

ԱՐՑԱԽՅԱՆ ՀԻՄՆԱԽՆԴԻՐԸ ԵՎ ՊԱՆՏՈՒՐՔԻԶՄԻ  
ԳԱՂԱՓԱՐԱԽՈՍՈՒԹՅՈՒՆԸ

Դավիթ Բաբայան

*Պատմական գիտությունների թեկնածու, դոցենտ*

**Ներածություն**

Արցախյան հիմնախնդիրը ոչ միայն հայ ժողովրդի և հայոց պետականության կարևորագույն հարցն է, այլև վաղուց ներառված է գլոբալ աշխարհաքաղաքականության օրակարգում, հատկապես՝ Անդրկովկասի ռազմավարական առումով կարևոր աշխարհագրական դիրքի, այստեղ գլոբալ և տարածաշրջանային դերակատարների շահերի խաչաձևման և բախման համատեքստում:

Պանթյուրքիզմի գաղափարախոսության ծագման պատմությունը և հիմնական նպատակները, Պանթյուրքիզմի հիմնական գաղափարը թյուրքական բոլոր ժողովուրդներին կամ թյուրքական աշխարհը մեկ պետության մեջ միավորելն է՝ Թուրքիայի առաջնորդությամբ: Պանթյուրքիզմի գաղափարները խրախուսել են անգլիական, ֆրանսիական, գերմանական և ավստրիական իշխող շրջանակներն ու դրանց հատուկ ծառայությունները<sup>1</sup>:

Նրանց հիմնական նպատակը հնարավոր թյուրքական ծավալապաշտության ուղղությունը Եվրոպայից դեպի Ռուսական կայսրություն շրջելն էր, որի իշխանության տակ էր գտնվում Օսմանյան կայսրության սահմաններից դուրս ապրող թյուրքական ժողովուրդների հիմնական զանգվածը: Պանթյուրքիզմի ստեղծման տրամաբանությունը շատ պարզ էր: Այդ քաղաքականությունը հնարավորություն էր տալիս միաժամանակ հասնել երկու կարևոր նպատակի: Նախ՝ Թուրքիան, որը ծարավի էր ռևանշի հասնել եվրոպական տերությունների հանդեպ Եվրոպայում իր տիրույթները կորցնելու համար, այլևս իր գլխավոր խնդիրը չէր համարում այդ տարածքները վերադարձնելը և, այդպիսով, չէր սպառնում եվրոպական երկրներին: Երկրորդ՝ այն հայացքն ուղղում էր դեպի ռուսական տարածքներ և, այդպիսով, երկու կայսրությունների բախման արդյունքում, թուլանում էին երկուսն էլ, շահող էին դուրս գալիս եվրոպական

---

<sup>1</sup> Պանթյուրքիզմի ծագման և նրա հիմնադիրների ու գլխավոր ներկայացուցիչների մասին ավելի մանրամասն տե՛ս, օրինակ, Demirağ Yelda, “Pan-Ideologies in the Ottoman Empire Against the West: From Pan-Ottomanism to Pan-Turkism”, The Turkish Yearbook, Vol. XXXVI, 2005, p. 150; Мартиросян А., Заговор маршалов. Британская разведка против СССР, Москва, Вече, 2003, с. 31; Nadir Devlet, İsmail Bey (Gaspıralı), Ankara, Kültür ve Turizm Bakanlığı, 1988; Hakan Kırımlı, “İsmail Bey Gaspıralı, Türklük ve İslam”, Doğu-Batı, N31, April 2005, pp. 147-176; Мухамметдинов, Зарождение и эволюция тюркизма, Казань, 1995.

մեծ տերությունները, որոնք կարողանում էին դրա արդյունքում իրենց ազդեցության ոլորտում ընդգրկել ընդարձակ տարածքներ:

**Նկ. 1**

***Օսմանյան կայսրությունն իր զենիթում, XVII դար***



Պանթուրանական կայսրության գաղափարի ստեղծման հեղինակությունը պատկանում է հունգարացի պրոֆեսոր Արմին Վամբերիին (1832-1913): Հետաքրքիր գուգադիպություն է, չէ՞, կապված նրա անվան հետ, հատկապես հաշվի առնելով այն, որ հենց մեր ժողովուրդն է ամենաթանկ գինը վճարել պանթուրքիզմի գաղափարախոսության համար: 1857-1863թթ. այս մարդը թուրքական սուլթանի խորհրդականն էր: Հենց այդ ժամանակ էլ Վամբերին առաջին անգամ սուլթանին ծանոթացնում է պանթուրանական գերտերության գաղափարին: Վամբերին աշխատում էր նաև Մեծ Բրիտանիայի արտգործնախարար, լորդ Փալմերսթոնի համար, որը հետագայում դառնում է այդ երկրի վարչապետը: Հունգարացի պրոֆեսորի գաղափարը հմտորեն օգտագործվեց բրիտանացիների կողմից: Վամբերիի հիմնական նպատակը հակապալվոնական շարժման ստեղծումն էր՝ Ռուսաստանի դիրքերը թուլացնելու և, ի վերջո, այդ երկրին Պարսկաստանում, Կենտրոնական Ասիայում և Հնդկաստանի ուղղությամբ ազդեցություն ունենալու համար պայքարից շեղելու համար:

**Նկ. 2**

*Օսմանյան կայսրությունն Առաջին աշխարհամարտից առաջ*



**Նկ. 3**

*Պանթյուրքական կայսրության տեսլականը*



Պանթյուրքիզմի ակունքների մոտ կանգնած մյուս եվրոպացին բրիտանական հետախուզության աշխատակից Վիլֆրեդ Բլանթն է, որին հաճախ անվանում են պանարաբիզմի հիմնադիր: Հենց այս մարդն է երիտթյուրքական շարժման գաղափարի հեղինակը: Առայսօր գաղտնիքի շղարշով է ծածկված իտալահպատակ Էմանուել Կարասոյի գործունեությունը, որը երիտթյուրքական ընկերություն ստեղծեց Սալոնիկում՝ երիտթյուրքական կուսակցության առաջին և գլխավոր ներկայացուցչությունն Օսմանյան կայսրությունում: «Երիտթյուրքեր» թերթի խմբագիրն էր մեկ այլ եվրոպացի՝ Վլադիմիր Ժաբոտինսկին: Պանթյուրանականության գաղափարի զարգացման մեջ ծանրակշիռ ավանդ ունեն նախկին Ռուսական կայսրության թյուրքական ժողովուրդների ներկայացուցիչները՝ թաթարներ Ահմեդ Ադաևը, Յուսուֆ

Աքշուրան, Ալի Հուսեյին Չաղեն, Իսմայիլ Գասպրինսկին և այլք: Թյուրքական ժողովուրդների միավորման առաջին մունետիկը դարձավ «Թարջուման» («Թարգմանիչ») թերթն իր «Միասնություն մտքով, խոսքով և գործով» կարգախոսով, այն 1883-ից սկսեց հրատարակվել Ղրիմում, Բախչիսարայում, Իսմայիլ Գասպրինսկու կողմից: Մակայն նույնիսկ այս գործիչներն իրենց գիտելիքներն ու պանթյուրքիզմի գաղափարով ոգեշնչումն ստանում էին եվրոպական ուսումնական հաստատություններում: XIXդ. եվրոպական այնպիսի երկրներում, ինչպիսիք են Ֆրանսիան, Գերմանիան, Մեծ Բրիտանիան, Դանիան, որպես արևելագիտության ուղղություններից մեկը սկսում է զարգանալ թյուրքագիտությունը: Այս համատեքստում կուզենայի հիշեցնել Լեոն Կախոնի գիրքը թյուրքական ռասայի մասին, Ռադլովի թյուրքական լեզուների բառարանը և այլն: Օսմանյան կայսրությունում թյուրքիզմի առաջին գաղափարախոսներից էր ռազմական ուսումնարանների գլուխ կանգնած Սուլեյման փաշան: Թյուրքիզմի և պանթյուրքիզմի գաղափարները նա սկսեց տարածել հենց ռազմական ուսումնարանների սաների շրջանում, ինչը պայմանավորված էր թյուրքական հասարակությունում բանակի ազդեցիկ դիրքով: Սուլեյման փաշան առաջինն Օսմանյան կայսրությունում նկարագրեց թյուրքերի պատմությունն իր «Աշխարհի պատմությունը» գրքում (1874թ.) և հանդես եկավ իր պետությունում ընդդեմ «օսմաներեն լեզու» տերմինի կիրառման. նա կարծում էր, որ օսմաներեն լեզուն ընդամենը արաբերենի, պարսկերենի և թուրքերենի խառնուրդն է, և առաջարկեց օգտագործել «թուրքերեն լեզու»<sup>1</sup> բառակապակցությունը: Խոսելով Օսմանյան կայսրությունում պանթյուրքիզմի զարգացման մասին՝ չենք կարող չհիշատակել Մուսթաֆա Ջելալետդին փաշային (1826-1876): Նրա իսկական անունն է Կոնստանտին Բոժեցկի, սերում էր լեհ շլյախտիչների տոհմից: 22 տարեկանում նա մասնակցում է լեհական ապստամբությանը Ռուսական կայսրության դեմ և ապստամբության ճնշումից հետո տարագրվում Ստամբուլ: Նա ծառայության է անցնում օսմանյան բանակում և իսլամ, դրա հետ միասին՝ նաև նոր անուն է ընդունում: Ջելալետդին փաշային է պատկանում «թուրք-արիանիզմի» գաղափարը, որի համաձայն՝ եվրոպական և թյուրքական ժողովուրդները մեկ ռասա են կազմում, իսկ արևմտյան մշակույթը «թուրք-արիացիների» մտավոր գործունեության արգասիքն է: Նա նաև պնդում էր, որ իսլամ ընդունած թյուրքերի մի մասն աղերսներ ունի սեմիտական մշակույթի հետ: Նա նաև առաջարկում էր Օսմանյան կայսրության քրիստոնյա ժողովուրդներին կապել թյուրքական տարրերին մշակութային-լեզվական կապերով կամ պարզապես ուժացմամբ:

XIX դարում Օսմանյան կայսրությունում սկսեց զարգանալ նաև օսմանիզմի գաղափարախոսությունը, որի էությունն այն էր, որ կայսրության

<sup>1</sup> Мухамметдинов, Зарождение и эволюция тюркизма, Казань, 1995, с. 32.

բոլոր ժողովուրդները պետք է ձեռք բերեին վերագրային ինքնություն, այսինքն՝ ինքնություն, որն ընդհանուր կլիներ բոլորի համար՝ անկախ ազգային և կրոնական պատկանելությունից: Որպես այդպիսին տեսնում էին օսմանյան ինքնությունը: Սակայն այդ գաղափարախոսությունը չարդարացրեց իրեն և չկարողացավ զսպել քրիստոնյա ժողովուրդների անկախության ձգտումը: Այս իրավիճակում Օսմանյան կայսրությունում սկսեց զարգանալ իսլամիզմը, որի հիմնական ջատագովը արյունարբու սուլթան Աբդուլ Համիդ II-ն էր: Իսլամիզմն ինչ-որ չափով շահավետ էր եվրոպական տերություններին, քանի որ այդ գաղափարախոսությունը երկու ճամբարի էր բաժանում օսմանյան հասարակությունը՝ մուսուլմանների և քրիստոնյաների, ինչը հնարավորություն էր ընձեռում միաժամանակ աջակցել քրիստոնյա ժողովուրդներին՝ Օսմանյան կայսրությունից անջատվելու ձգտմանը և, մյուս կողմից, օսմաններին ուղղել ընդդեմ Ռուսական կայսրության: 1908թ. հեղափոխությունից հետո իշխանության եկան երիտթուրքերը:

Բալկանյան քրիստոնյա ժողովուրդների ազգային-ազատագրական պատերազմը և դրան հաջորդած՝ Օսմանյան կայսրության կողմից Բալկաններում իր տիրույթների մեծ մասը կորցնելը 1912թ. վերջնականապես թաղեցին օսմանիզմի գաղափարը: Մի ինչ-որ պահի երիտթուրքերը վերստին փորձեցին վերադառնալ իսլամիզմի գաղափարին: Սակայն այդ գաղափարն այս անգամ կործանվեց մուսուլման ժողովուրդների, մասնավորապես՝ արաբների և ալբանացիների ապստամբությամբ: Դա էլ ուժգին խթանեց պանթյուրքիզմի գաղափարախոսության զարգացումն Օսմանյան կայսրությունում:

Թյուրքիզմի սերմանումն ընթանում էր պանթյուրքիզմի ակտիվ քարոզչությանը զուգահեռ, ինչն իրականում շատ բարդ գործընթաց էր: Բավական է նշել, որ այն ժամանակ «թուրք» բառն օսմաներենում ամենավիրավորական արտահայտություններից էր<sup>1</sup>: Այդ պլանների իրականացման համար անհրաժեշտ էր առաջին հերթին ստեղծել ընդհանուր «ցեղակցային» սահման Օսմանյան կայսրության և Անդրկովկասի ու Իրանի թյուրքերի միջև: Սա պանթյուրքական պլանների հաջող ավարտի առանցքային պայմանն էր: Գլխավոր պատենեշն այս ճանապարհին հայ ժողովուրդն էր, որն իր հայրենի՝ միաէթնիկ տարածքով Օսմանյան կայսրության թյուրքերին բաժանում էր Իրանի և Անդրկովկասի իրենց եղբայրակիցներից, որոնց միջոցով կարելի էր հասնել Միջին Ասիայի թյուրքերին:

Պանթյուրքական գաղափարների նյութականացման առաջին փորձը ձեռնարկվեց Զինաստանում, Մինցզյանում, XIX դարի 60-ական թթ. վերջին-70-ական թթ. սկզբին: XIXդ. երկրորդ կեսին Մինցզյանը ներառվել էր խոշոր

<sup>1</sup> История человечества, под общей редакцией Г.Гельмольта, том V, Юго-Восточная и Восточная Европа, С-Петербург, типо-литография книгоиздательского товарищества «Просвещение», 1905, сс. 117, 122.

ապստամբությունների մի ամբողջ շարանի մեջ, որոնց արդյունքը դարձան թեոկրատական իսլամական Եթիշար (Յոթնաքաղաք) պետության ի հայտ գալն ու գոյությունը 1865-1878թթ., որի մայրաքաղաքն էր Քաշգար քաղաքը: Այն ժամանակ առաջինը Քաշգար եկան Օսմանյան կայսրության ներկայացուցիչները: 1869թ. Յաղուբ բեկի՝ Եթիշարի կառավարչի հատուկ բանագնաց Սայիդ Յաղուբ խանին անձամբ ընդունեց օսմանյան սուլթան Աբդուլ Ազիզը, որը պաշտոնապես ճանաչեց Եթիշարն ու նրա կառավարչին: Ի նշանավորումն Եթիշարի ճանաչման, Աբդուլ Ազիզը դեսպանի հետ ընծա և բարձրաստիճան սպաներ ուղարկեց Քաշգար՝ Յաղուբ բեկին, նոր պետության զինված ուժերի ստեղծմանն օգնելու համար: Պետության խորհրդանիշերը նույնպես հիշեցնում էին օսմանականը, իսկ դրոշը ճիշտ Օսմանյան կայսրության, ավելի ուշ՝ նաև Թուրքիայի դրոշի պատճենն էր: 1874թ. Յաղուբ բեկը պաշտոնապես հայտարարում է նոր քաղաքական կարգավիճակի ճանաչման մասին. Եթիշարը Թուրքիայի պրոտեկտորատն էր ճանաչվում: Քաշգարում, ի պատիվ սուլթան Աբդուլ Ազիզի, նրա պատկերով դրամ հատեցին: Բայց Չինաստանը կարողացավ վերացնել այս պետությունը 1878թ.: Այստեղ միշտ էլ կարևորել են Մինցզյանի նկատմամբ վերահսկողությունը՝ մտածելով, որ դրա կորստյամբ սպառնալիքի տակ կհայտնվեին նաև երկրի այլ տարածաշրջանները: XIXդ. չինացի ստրատեգները նշում էին, որ եթե Մինցզյանը մնար չամրագրված Չինաստանին, ապա Մոնղոլիան սպառնալիքի, իսկ Գանայու և Չժիլի (չինական Հեբեյ նահանգի անվանումը մինչև 1928թ.- Դ.Բ.) նահանգների անվտանգությունը՝ կասկածի տակ կհայտնվեն<sup>1</sup>:

Ակնհայտ է, որ պանթյուրքական պլանների իրականացման համար թուրքերը պետք է ոչնչացնեին մեր ժողովրդին: 1915թ. Հայոց ցեղասպանությունը պանթյուրքական գաղափարների իրականացման առաջին և ցայսօր ամենաաղաղակող դրսևորումն է<sup>2</sup>:

### **Ռուսական կայսրությունը և պանթյուրքիզմը**

Մակայն ակնհայտ է, որ գլխավոր պատնեշը պանթյուրքիստների ճանապարհին Ռուսական կայսրությունն էր: Հարկ է նշել, որ Ռուսական կայսրությունը ևս մի շարք կարևոր քայլեր արեց՝ նվազեցնելու համար պանթյուրքիզմի սպառնալիքը: Ռուսական կայսրությունում ազգային հողի վրա ոչ քրիստոնյա ժողովուրդների զանգվածային ազգային ապստամբություններ չկային: Կովկասի լեռնցիների առավել զանգվածային ընդվզումներն ավելի շուտ կրոնական շարժում էին, այլ ոչ թե ազգային:

<sup>1</sup> Մանրամասն տե՛ս Хожамберди Кахарман, Уйгуры. Этнополитическая история с древнейших времен до наших дней, Алматы, 2010, с. 189.

<sup>2</sup> Ходжаев А., Цинская империя, Джунгария и Восточный Туркестан, Москва, 1979, с. 70.

**Նկ. 4**

**Ռուսական կայսրության մեծ զինանշանը**



Բացի այդ, Ռուսական կայսրությունը ոչ միայն իրեն համարում էր թյուրքական խանությունները հնազանդեցրած երկիր, այլև հնազանդեցված թյուրքական երկրների ժառանգորդ: Պատահական չէ, որ Ռուսական կայսրության զինանշանի վրա որպես առաջնային զինանշաններ պատկերված էին նաև Կազանի (Նկ. 5), Աստրախանի (Նկ. 6) և Սիբիրի (Նկ. 7) խանությունների խորհրդանիշերը<sup>1</sup>:

**Նկ. 5**



**Նկ. 6**



**Նկ. 7**



<sup>1</sup> Ռուսական կայսերական հերալդիկայի մասին մանրամասն տե՛ս Дворянские роды Российской империи, СПб., 1993; Гербальдика.ру կայքը; П.П. фон Винклер, Гербы городов Российской империи, СПб. 1900 (վերահրատարակվել է Մոսկվայում, 1991):

Ազգային-ազատագրական շարժման համախմբմանը դիմակայելու մեթոդներից մեկն էր համապատասխան վարչատարածքային քաղաքականությունը: Ռուսական կայսրության սահմանները, հատկապես ազգային ծայրամասերում, չէին համապատասխանում այնտեղ ապրող ժողովուրդների էթնիկ տարածքին: Դրանք խառն էին: Բացի այդ, նահանգների անվանումներից աստիճանաբար հանվում էր ազգային տարրը: Եթե Ռուսական կայսրությանն Անդրկովկասի միացվելուց հետո այստեղ ստեղծվեցին այնպիսի կազմավորումներ, ինչպիսիք էին Հայկական մարզը, Վրաց-իմերեթական նահանգը, ապա այնուհետև նահանգներն ստացան իրենց վարչական կենտրոնների անունները: Ի դեպ, այստեղ երբեք «Ադրբեջան» անվամբ վարչական կազմավորում չի եղել: Կար Կասպյան մարզ, բայց ոչ երբեք, ինչպես նշեցինք, «Ադրբեջան»:

### **Պանթյուրքիզմն Առաջին աշխարհամարտի շրջանում**

Գործնականում կիրառվելու առավել իրական հնարավորություն պանթյուրքիստական գաղափարախոսությանն ընձեռեցին Առաջին համաշխարհային պատերազմը և հոկտեմբերյան հեղափոխությունը Ռուսաստանում: Հենց այդ ժամանակ Անդրկովկասի, Կովկասի, Իրանի և Միջին Ասիայի թյուրքական ժողովուրդների միավորման իրական հնարավորություն ստեղծվեց՝ թուրքական բանակի կողմից այդ տարածքները զավթելու միջոցով<sup>1</sup>: 1914թ. «Միասնություն և առաջընթաց» կուսակցության բարձրաստիճան ներկայացուցիչներից մեկը Ահմեդ Քամալը, կազմակերպության գործուղմամբ գնում է Քաշգարիայի Արտուշ քաղաք՝ աշխարհիկ դպրոցներում համաթյուրքական «ժառանգության» ուսումնասիրումը կազմակերպելու նպատակով: Արտուշի հոգևորականության և մտավորականության հետ միասին նա դպրոց է բացում և դասավանդում պանթյուրքիզմի գաղափարները: Շուտով նրա հետևից Մինցգյան են գնում հարյուրավոր կամավորներ՝ համաթյուրքական միասնության գաղափարի տարածման համար, և արդեն XX դարի 20-ական թթ., թուրք էմիսարների ակտիվ գործունեության արդյունքում, Մինցգյանի շատ քաղաքներում ստեղծվեց դպրոցների, դասընթացների, խմբերի ցանց<sup>2</sup>: Այդ հաստատություններում դասավանդվում էր թյուրքական ժողովուրդների ընդհանուր պատմությունը, քարոզվում էր նրանց մշակութային, լեզվական և կրոնական ընդհանրության, հանուն ազատագրման համատեղ պայքարի և միասնական դաշնային թյուրքական պետության (որի մեջ կմտնեն նաև Կենտրոնական Ասիայի,

<sup>1</sup> Տե՛ս, օրինակ, Pomiankowsky I., Der Zusammenbruch des Ottomanischen Reiches (The Total Collapse of the Ottoman Empire), Wien, 1928, pp. 29-30; Hostler Ch., Turkism and the Soviets, London, 1957, pp. 146-148.

<sup>2</sup> Хожамберди Кахарман, Уйгуры. Этнополитическая история с древнейших времен до наших дней, Алматы, 2010, с. 340.



Ղազախստանի, ողջ Սինցյանի և Արևմտյան Մոնղոլիայի տարածքները) ստեղծման գաղափարը:

Այնուամենայնիվ, պանթյուրքական պլանների իրագործման առաջին օղակը Կովկասն էր: Այս համատեքստում էր, որ Արևելյան Անդրկովկասում ստեղծվեց «Ադրբեջան» անվամբ երկիրը, որը ոչ մի կապ իրանական Ադրբեջանի՝ պատմական Ատրպատականի հետ չունեի: Նպատակը մեկն էր. եթե կա կովկասյան և իրանական Ադրբեջան, ապա դրանք պետք է միավորվեն, իսկ այդ միավորված կազմավորումը Թուրքիան մտադիր էր միացնել իրեն և դուրս գալ դեպի Միջին Ասիա և այդպիսով ստեղծել միասնական պանթյուրքական պետություն: Բնական է, որ Թուրքիայի ծրագրերը և գործողություններն առաջ էին բերում հարևան երկրների, մասնավորապես՝ Իրանի բացասական հակազդեցությունը: Գերմանիայի ռեյխսկանցլերին հասցեագրված զեկույցում Կովկասում Գերմանիայի պատվիրակության ղեկավարը մասնավորապես նշում է. «Պարսկաստանում դժգոհություն էր առաջացրել այն փաստը, որ թուրքերն «Ադրբեջան» են անվանել անդրկովկասյան ամենաարևելյան հանրապետությունը՝ պարսիկների հանդեպ տարածքային պահանջները հիմնավորելու համար: Դժգոհությունը խորացնում է նաև այն հանգամանքը, որ պարսիկները թաթարների<sup>1</sup> բարեկամը չեն (*այդպես էին անվանում Ադրբեջանի թյուրք բնակչությանը մինչև 1930-ական թթ. երկրորդ կեսը* – Դ.Բ.)»:

Մակայն Անդրկովկասում «Ադրբեջանի» կազմավորումը, բացի պանթյուրքական տերության ստեղծումից, նախատեսում էր նաև իր կազմի մեջ ներառել Իրանը: Բանն այն է, որ պատմական Ատրպատականը բավական երկար ժամանակ Իրանի հոգևոր-քաղաքական կենտրոնն էր: Մասանյանների օրոք Ատրպատականը զրադաշտականության կենտրոնն էր: Որոշ առասպելների համաձայն՝ Ուրմիա քաղաքը համարվում էր Զրադաշտի հայրենիքը: Ատրպատենայի տարածքում էր գտնվում զրադաշտականների կրակի կարևոր տաճարներից մեկը՝ Ադուր Գուշնասպը (ժամանակակից Թախտ-ի Մուլեյման քաղաք)<sup>2</sup>: Այն համարվում էր զրադաշտական երեք գլխավոր տաճարներից մեկը, ընդ որում՝ ամենամեծը, քանի որ պատկանում էր արքայական ընտանիքին և ռազմիկների դասին, այնինչ մյուս երկուսը՝ Ադուր Ֆարսբաղը Ֆարսում և Ադուր Բուրզնմիհրը Խորասանում, պատկանում էին, համապատասխանաբար, մոզերի և արհեստավորների ու երկրագործների դասերին: Իրանական Ադրբեջանը նաև այն պետությունների կենտրոնն էր (Հուլավյաններ, Չոբանյաններ, կարա-կոյունլուներ,

<sup>1</sup> Կենտրոնական ռեզիստր. 1918-A-48749, դեսպանության/հյուպատոսության՝ սերիական համարը՝ J. Nr. D. 1629.

<sup>2</sup> P.Фрай, Наследие Ирана, М., 1972, с. 197, 253.

ակնյունյուններ, Մեֆյաններ), որոնք կազմավորվել էին Իրանի և Առաջավոր Ասիայի տարածքում քոչվոր մոնղոլների և թյուրքական ցեղերի կողմից:

Հենց վերջին պետական կազմավորումն էլ դարձավ Մեֆյանների դարաշրջանում իրանական պետականության վերածնման կորիզը: Հասկանալի է, որ պատմական Ադրբեջանի վերահսկողությունը մեծացնում էր ողջ Իրանին վերահսկելու հնարավորությունը, ընդ որում՝ ոչ միայն քաղաքական, այլև պատմահոգեբանական տեսանկյունից: Վերջին պարագայում պանթյուրքիստները հնարավորություն էին ստանում «լեգիտիմացնելու» ողջ Իրանի հանդեպ իրենց պահանջը՝ այդ պետությունների պատմությունը ներկայացնելով որպես մոնոլիտ թյուրքական ժառանգություն, պետություններ, որոնց համար էթնիկ պատկանելությունը ոչ մի դեր չէր խաղում, և որոնք թշնամի էին և՛ մեկը մյուսի, և՛ օսմանցիների հետ: Հենց այդ նպատակով էլ կազմավորումն արևելյան Անդրկովկասում, օսմանցիների թելադրանքով, վերցրեց «Ադրբեջան» անվանումը, այլ ոչ թե, ասենք, Կովկասյան կամ Անդրկասպյան Թուրքեստան, կամ Թաթարստան: Չէ՞ որ այդ դեպքում ոտնձգությունն Իրանի դեմ շատ ավելի դժվար կլիներ: Բացի այդ, հենց Իրանի տարածքն էր բազմաթիվ հարյուրամյակներ կապող կամուրջ հանդիսացել Փոքր Ասիայի (Անատոլիա) և Կովկասի թյուրքերի և Կենտրոնական Ասիայի միջև. այն թյուրքերի համար պատմական հայրենիք դարձած Կենտրոնական Ասիայից ներգաղթյալների նոր հոսքերով էր սնում թյուրքերի զավթած տարածքները:

1918թ. սեպտեմբերին թուրքական զորքերը գրավեցին Բաքուն: Բայց Առաջին աշխարհամարտում կրած պարտությունը թույլ չտվեց նրանց իրականացնել իրենց պլանները: Սակայն առաջին փուլը՝ թյուրքիզմը, հաջողվեց գործնականում իրականացնել, և Թուրքիայում ստեղծվեց առանձին թուրքական «ազգ»: Սակայն պանթյուրքիզմի գաղափարից և դրա հնարավոր կիրառումից չհրաժարվեցին ո՛չ Թուրքիայում, ո՛չ նրա սահմաններից դուրս: Հաշվի առնելով այն, որ Թուրքիայում թյուրքիզմը հաղթանակեց, իսկ խորհրդային պետությունում թյուրքական ժողովուրդների զարգացման նոր և բավական ինտենսիվ փուլ սկսվեց, որում կրոնական բաղադրիչն իսպառ բացառվում էր ազգային ինքնության ձևավորման գործընթացից, արտաքին ուժերի համար պանթյուրքիզմը դառնում էր պայքարի հարմար լծակ կոմունիզմի և խորհրդային պետության դեմ: Թուրքիան, որը պարտվել էր Առաջին աշխարհամարտում և գրկվել ընդարձակ տարածքներից, պանթյուրքիզմի մեջ էր տեսնում երբեմնի մեծության վերածննդի հնարավորությունը:

Այս գործոնն օգտագործելու համար անհրաժեշտ էր, որ Թուրքիան «էթնիկ» սահման ունենար Անդրկովկասի և Իրանի թյուրքական ժողովուրդների հետ: Այս համատեքստում հիմնական խոչընդոտը Հայկական հարցն էր, այսինքն՝ այն ժամանակվա մեծ տերությունները շահագրգռված չէին, որ պատմական հայկական հողերը վերցվեն Թուրքիայից: Դրա համար էլ

Սերի պայմանագրի, ինչպես նաև Միացյալ Նահանգների նախագահի իրավարար վճռի դրույթները, որոնցով Հայաստանին պետք է անցնեի Վանի, Բիթլիսի, Էրզրումի և Տրապիզոնի վիլայեթների մեծ մասը, մնացին թողնելով: Եվրոպական մեծ տերությունները (Ֆրանսիան, Անգլիան և Իտալիան) ոչ միայն ի կատար չածեցին դրանք, այլև նույնիսկ հակառակվեցին, որ Հայաստանը մտնի Ազգերի լիգա՝ հայտարարելով, թե չեն կարող երաշխավորել նրա սահմանները, որին, եթե Հայաստանն ընդունվեր Լիգա, Լիգայի անդամներին պարտավորեցնում էր պայմանագրի 10-րդ հոդվածը: Այս քաղաքականության արդյունքում Հայաստանը պարզապես ճզմվեց Սովետների ու քեմալականների ընդհանուր ջանքերով և բաժան-բաժան արվեց նրանց միջև: Ինչ վերաբերում է արևմտահայերի ճակատագրին, ապա նրանց համար դաշնակիցները 1921թ. Լոնդոնի կոնֆերանսում մտածում էին ստեղծել «ազգային օջախ» Թուրքիայի արևելյան սահմանին, բայց արդեն 1922թ. Փարիզի կոնֆերանսում այդ օջախի՝ արևելյան սահմանին գտնվելու մատնանշումը հանվեց, իսկ Լոզանի կոնֆերանսում մեծ տերություններն ընդհանրապես հրաժարվեցին հայկական օջախի մտքից:

Այսպիսով, Առաջավոր Ասիայում ռազմավարապես կարևոր տարածաշրջանի մեծ մասը՝ Հայկական լեռնաշխարհը, մնաց թուրքերի ձեռքում, որոնց մտադիր էին օգտագործել բոլշևիկների դեմ: Պանթյուրքիզմը, այսպիսով, ընկալվում էր որպես բոլշևիզմի դեմ քաղաքական-գաղափարախոսական պայքարի ճակատներից մեկը:

### **Խորհրդային Միությունը և պանթյուրքիզմի գաղափարախոսությունը**

Բայց բոլշևիկներն էլ ձեռքները ծալած չէին նստել: Եթե թուրքերը մտադիր էին նորաստեղծ Ադրբեջանն օգտագործել պանթյուրքիստական նպատակների իրականացման համար, ապա բոլշևիկները հանձին Ադրբեջանի տեսնում էին լավ հնարավորություն՝ Իրանում և ողջ Մերձավոր Արևելքում բոլշևիզմի տարածման համար: Հարկ է ասել, որ այս կարծիքին բոլշևիկները հանգեցին ոչ անմիջապես, ինչն առաջին հերթին դրսևորվեց Ադրբեջանի բոլշևիկների մոտեցումներում: Այսպես, նրանք, կանխատեսելով արագ սովետականացումն ու փորձելով որոշել այդ նորաստեղծ պետության քաղաքական ապագան, որոշեցին մտնել ՌԽՖՍՀ կազմի մեջ՝ որպես Բաքվի և Ելիզավետպոլի նահանգներ, ինչպես Ռուսական կայսրության ժամանակ էր: Այնինչ, հայ և վրացի կոմունիստները հանդես էին գալիս Հայաստանի և Վրաստանի խորհրդային պետությունների կազմավորման օգտին: Կենտրոնը սկզբում չէր առարկում նման սցենարին: Դա, ի դեպ, ցույց տվեց Ադրբեջանի՝ որպես պետության, արհեստականությունը, և այն, որ այդ անվանումը գոյության մեկուկես տարվա ընթացքում այդպես էլ «չի կպել» այդ երկրին: Խորհրդային Ադրբեջանի ստեղծման անհրաժեշտության գործում վճռական դեր խաղաց Անաստաս Միկոյանը, որը կարողացավ Ստալինին և Օրջոնիկիձեին

համոզել, որ հենց այդ մոտեցումն է նպատակահարմար: Վերջիններիս միջոցով նա կարողացավ ի վերջո համոզել նաև Լենինին<sup>1</sup>:

Խորհրդայնացումից և Ադրբեջանական ԽՍՀ-ի կազմավորումից հետո այդ հանրապետությունը վերածվեց Մերձավոր Արևելքում բոլշևիզմի տարածման հենակետի<sup>2</sup>: Այս մասին խոսում էին բոլշևիկյան գրեթե բոլոր առաջնորդները: Բաքվում տեղի էր ունենում Արևելքի ժողովուրդների համագումարը, վերապատրաստվում և ուսուցանվում էին ամենատարբեր ստրկացված երկրների ու Արևելքի ժողովուրդների ներկայացուցիչները:

Այս համատեքստում Ադրբեջանին վերապահվում էր առանցքային արտաքին քաղաքական դեր, և այդ կազմավորումը պետք է դառնար մուսուլմանական սոցիալիստական երկրի օրինակելի նմուշ գաղութային երկրների համար: Դրա հետ մեկտեղ, Ադրբեջանը ԽՍՀՄ կազմավորման պահին միակ միութենական մուսուլմանական հանրապետությունն էր, և դրա համար էլ Կենտրոնը բավարարեց այդ կազմավորման գրեթե բոլոր պահանջները, հատկապես տարածքային առումով՝ նրան հանձնելով մի շարք հայկական պատմական հողեր (Արցախ՝ Ղարաբաղ, Նախիջևան, Ուտիք), վրացական մի շարք տարածքներ և Դաղստանի մի մասը (Ղուբայի գավառը, Զաքաթալայի օկրուգը և այլն):

Սակայն առաջին շրջանում խորհրդային իշխանությունը բավական հետաքրքիր քաղաքականություն էր վարում: Ադրբեջանում, օրինակ, ամեն կերպ աջակցվում էին էթնիկ այլազանությունն ու ազգային ինքնագիտակցությունը<sup>3</sup>: Յուրաքանչյուր ազգություն, օրինակի համար, իրավունք ուներ տեղական և հանրապետական պետական հաստատություններում գործավարությունը

<sup>1</sup> Մանրամասն տե՛ս, օրինակ, Մարքսիզմ-լենինիզմի ինստիտուտի հայկական մասնաճյուղի կուսակցական արխիվ (ՄԼԻ ՀՄԿԱ), ֆ.1, ց.48, պ.մ. 265ա, թ.5; ՄԼԻ ՀՄԿԱ, պատճ. ֆոնդ, փ. 164, թ. 248; Микоян А., «Бакинское подполье при английской оккупации (1919 год)», журнал «Июность», N10, 1968, с. 87; Киров С., Статьи, речи, документы, т.1, Москва, 1936, с. 144; Орджоникидзе С., Путь большевика, Москва, 1967, с. 267; Гулиев Дж., Борьба коммунистической партии за осуществление ленинской национальной политики в Азербайджане, Азербайджанское государственное издательство, Баку, 1970, сс. 278-290; Борьба за победу Советской власти в Азербайджане 1918-1920 гг., Документы и материалы, Баку, 1967, с. 138:

<sup>2</sup> Ленин В., Полное собрание сочинений, т. 51, Издательство политической литературы, Москва, 1970, с. 227; Первый съезд народов Востока. Стенографические отчеты, Петроград, 1920, с. 8; ՄԼԻ ՀՄԿԱ, ֆ. 7, ց. 1, պ.մ. 5, թ. 3

<sup>3</sup> Տե՛ս Собрание узаконений и распоряжений рабоче-крестьянского правительства Азербайджанской ССР, Баку, N1, 1920, с. 5; Собрание узаконений и распоряжений рабоче-крестьянского правительства Азербайджанской ССР, Баку, N2, 1921, сс. 24-25; Резолюции 2-го съезда АКП(б), Баку, 1920, с. 6; Орджоникидзе Г., Статьи и речи, Моск-ва, 1956, т. 1, с. 296; ЦГАОР (Центральный государственный архив Октябрьской революции) СССР, ф. 1318, оп. 1. д. 657, л. 29-30; ՄԼԻ ՀՄԿԱ, ֆ. 14, ց. 1, պ.մ. 8, թ. 65; ЦГАОР Азерб.ССР, ф. 57, оп. 1. д. 44, л. 3.

տանել մայրենի լեզվով: Ավելին, Ադրբեջանական ԽՍՀ-ում ստեղծվեցին հայկական երկու ինքնավար կազմավորումներ՝ Նախիջևանի ԻԽՍՀ-ն և Լեռնային Ղարաբաղի ԻՄ-ն: Իհարկե, այժմ ադրբեջանական իշխանություններն ու պատմաբաններն ամեն կերպ փորձում են ժխտել, որ Նախիջևանի ԻԽՍՀ-ն հայկական է, բայց այն, որ այդ կազմավորումը հայկական էր, վկայում է, մասնավորապես, նրա պետական սիմվոլիկան՝ զինանշանը և դրոշը:

Ինչպես հայտնի է, նախկին ԽՍՀՄ ինքնավար հանրապետությունների զինանշաններն ու դրոշները նման էին այն միութենական հանրապետությունների զինանշաններին ու դրոշներին, որոնց կազմի մեջ մտնում էին:

**Նկ. 8**

**Նախ. ԻԽՍՀ դրոշը  
մինչև 1937թ.**



**Նկ. 9**

**Նախ. ԻԽՍՀ զինանշանը  
մինչև 1938թ.**



Տարբերությունը միայն այն էր, որ միութենական հանրապետության լեզվով արված մակագրության կողքին կար նաև ինքնավար հանրապետության հիմնական ազգության լեզվով արված մակագրություն: Նախիջևանի Ինքնավար Խորհրդային Սոցիալիստական Հանրապետության Սահմանադրության 112-րդ հոդվածում՝ ընդունված 1937թ. սեպտեմբերի 18-ին, Նախիջևանի ԻԽՍՀ Սովետների Արտակարգ X համագումարում, տրված էր այդ ինքնավարության դրոշի հետևյալ նկարագրությունը. «Նախիջևանի Ինքնավար Խորհրդային Սոցիալիստական Հանրապետության պետական դրոշը Ադրբեջանական ԽՍՀ պետական դրոշն է՝ կարմիր պաստառ, ձախ անկյունում, վերին փայտիկի մոտ, ոսկյա մուրճն ու մանգաղը և մակագրություն ադրբեջաներեն ու հայերեն լեզուներով. «Ադր. ԽՍՀ», որի ներքևում ավելի փոքր տառաչափով գրված է «Նախիջևանի ԻԽՍՀ» ադրբեջաներեն և հայերեն»<sup>1</sup>:

Նույնն էր վիճակը նաև Նախիջևանի Ինքնավար Խորհրդային Սոցիալիստական Հանրապետության Սահմանադրության 111-րդ հոդվածում (հաստատված 1941թ. ապրիլի 7-ին Ադրբեջանական ԽՍՀ Գերագույն խորհրդի IV նստաշրջանի կողմից), որտեղ կար հետևյալ նկարագրությունը. «Նախիջևանի

<sup>1</sup> Տե՛ս «Нахичевань», Russian Centre of Vexillology and Heraldry, <http://www.vexillographia.ru/azerbaj/nahic.htm>.

Ինքնավար Խորհրդային Սոցիալիստական Հանրապետության պետական զինանշանը Ադրբեջանական ԽՍՀ պետական զինանշանն է, որը պատկերում է մուրճ ու մանգաղ, նավթաշտարակ ծագող արևի ֆոնին՝ շրջանակված բամբակով և ցորենի հասկի պսակով, ադրբեջաներեն և հայերեն մակագրություններով. «Ադրբեջանական Խորհրդային Սոցիալիստական Հանրապետություն», «Պրոլետարներ բոլոր երկրների, միացե՛ք» և «Նախիջևանի ԻԽՍՀ»: Զինանշանի վերին մասում հնգաթև աստղն է»<sup>1</sup>:

Մինևույն ժամանակ, խորհրդային կառավարությունն առաջին տարիներին աջակցում էր ԽՍՀՄ սահմաններում գտնվող թյուրքական ժողովուրդների պանթյուրքական միասնությանը: Այդ միասնությունը դրսևորվում էր, օրինակ, մշակութային-լեզվական առումով, ինչը կրկին իր արտացոլումն էր գտնում խորհրդային պետության պետական խորհրդանշաններում: Այսպես, ԽՍՀՄ 1924թ. Սահմանադրության 11-րդ գլխի դրույթների համաձայն՝ Խորհրդային Սոցիալիստական Հանրապետությունների Միության պետական զինանշանը պատկերում էր մուրճ ու մանգաղ երկրագնդի վրա, արևի շողերի մեջ և շրջանակված հասկերով, վեց լեզվով (որոնք նշված են 34-րդ հոդվածում) «Պրոլետարներ բոլոր երկրների, միացե՛ք» մակագրությամբ:

Զինանշանի վերին մասում հնգաթև աստղ կար: Վեց լեզուները, որոնցով գրված էր կարգախոսը, ռուսերենը, ուկրաիներենը, բելոռուսերենը, վրացերենը, հայերենը և թյուրք-թաթարերենն (արաբագիր) էին: Տաջիկական ԽՍՀ կազմավորումից հետո ավելացվեց յոթերորդ ժապավենը՝ տաջիկերեն մակագրությամբ, որի գիրն այն ժամանակ ԽՍՀՄ տարածքում լատինացվել էր: Բայց դա միակ փոփոխությունը չէր: ԽՍՀՄ Սովետների 1931թ. մարտի 31-ին տեղի ունեցած 6-րդ համագումարի «Սահմանադրական հարցերի մասին զեկուցման վերաբերյալ» որոշմամբ բավական հետաքրքիր փոփոխություններ են մտցվում ԽՍՀՄ Սահմանադրության տեքստում, այն է. «ԽՍՀ Միության Սահմանադրության 70-րդ հոդվածում «վեց լեզուներով մակագրություն» բառերը փոխարինել «միութենական հանրապետություններում բոլորի կողմից կիրառվող լեզուներով մակագրություն» բառերով: Այս որոշմամբ փոխվում էր նաև միութենական հանրապետություններում բոլորի կողմից օգտագործվող լեզուների ցանկը՝ շարադրված ԽՍՀՄ Սահմանադրության (Հիմնական օրենքի) 34-րդ հոդվածում, որն սկսեց ներառել «ռուսերենը, ուկրաիներենը, բելոռուսերենը, վրացերենը, հայերենը, ադրբեջաներենը, ուզբեկերենը, թուրքմեներենը և տաջիկերենը (ֆարսի)»:

Ադրբեջաներեն, ուզբեկերեն և թուրքմեներեն լեզուները ներկայացված էին միասնական ժապավենով՝ արաբագիր թյուրքերեն (թյուրք-թաթարերեն)

<sup>1</sup> Տե՛ս, օրինակ, «Нахичеванская автономная республика», Официальный сайт русского центра флаговедения и геральдики, <http://www.heraldicum.ru/azerbaij/index.htm>; Поцелуев В., Гербы Союза ССР: Из истории разработки, Издательство политической литературы, Москва, 1987.

լեզվով մակագրությամբ: Կարգախոսի ռուսերեն տարբերակը փոխադրվեց ժապավենի կենտրոնական հանգույց<sup>1</sup>: Այնուհետև թյուրք-թաթարերենի արաբական գրաֆիկան փոխարինվեց լատինականով:

Այստեղ հստակ երևում է թյուրքական համերաշխությունը պահելու և դրա երկփեղկման դիլեման: Նախ՝ ի հայտ եկան առանձին թյուրքական լեզուների անվանումներ՝ աղբբեջաներեն, ուզբեկերեն և թուրքմեներեն: Բայց դրանք դեռ շարունակում էին մնալ միասնական թյուրք-թաթարական զանգվածի մասը՝ ներկայացնելով այս բոլոր ժողովուրդներին ԽՍՀՄ զինանշանի վրա:

Ո՞րն էր խորհրդային պետության նման քաղաքականության իմաստը: Այստեղ վառ արտահայտվել է զսպումների և հակակշիռների համակարգը՝ պանթյուրքիզմի գաղափարախոսության համատեքստում: Բանն այն է, որ Խորհրդային Միությունը, որքան էլ տարօրինակ հնչի, սկսած 1920-ական թթ. մինչև 1930-ական թթ. առաջին կեսը, դարձավ պանթյուրքիզմի գաղափարախոսության իրականացման ջատագովը: Բայց խորհրդային պանթյուրքիզմը տարբերվում էր «դասական» պանթյուրքիզմից նրանով, որ այլ գաղափարախոսական ուղղվածություն ուներ: Դա մի տեսակ կոմունիստական պանթյուրքիզմ էր: ԽՍՀՄ կազմի մեջ էին գտնվում թյուրքական ժողովուրդների մեծ մասը և նրանց պատմական «նախահայրենիքը» «Թուրանը»: Ավելին, «համաշխարհային հեղափոխության» տարածման միջոցով Խորհրդային Միությունն ըստ էության կարող էր իր կազմի մեջ ներառել թյուրքական բոլոր ժողովուրդներին և այդպիսով կենսագործել միասնական տերություն ստեղծելու պանթյուրքիստների երազանքը: Ընդ որում՝ այդ տերությունը, թեկուզև ոչ թյուրքական, բայց այնուամենայնիվ, ազգային էլ չէր լինի: Դա թյուրքական ժողովուրդներին հնարավորություն կտար զարգանալ՝ օգտագործելով ոչ միայն և ոչ այնքան իրենց ռեսուրսները, որքան նաև այլ ժողովուրդների պոտենցիալը: Դրա հետ մեկտեղ, հեռանկարում նրանք կկարողանային, զորեղանալով, անջատվել այդ երկրից:

Մինևույն ժամանակ, հավանաբար զգալով բոլշևիզմի հիմնական

երազանքների և նպատակների իրականացման անհնարիությունը, ինչպիսիք էին, օրինակ, նացիոնալիզմի ոչ բռնի վերացումը, կոմունիզմի գաղափարների սերմանումը և այլն, շատ կարճ ժամանակի ընթացքում խորհրդային ստրատեգներն սկսեցին ներդնել զսպումների և հակակշիռների համակարգը, որոնց մեջ առավել գործունը թյուրքական զանգվածի բաժանումն էր տարբեր ժողովուրդների և վարչական միավորների: Հետագա գլոբալ

---

<sup>1</sup> ԽՍՀՄ միութենական և ինքնավար հանրապետությունների զինանշանի մասին ավելի մանրամասն տե՛ս, օրինակ, Сборник законов СССР 1938-1967, Москва, изд. «Известия», 1968; Поцелуев В., Гербы Союза ССР: Из истории разработки, указ. соч.; Болотина С., «Как создавался наш герб», Наука и жизнь, N11, 1983.

աշխարհաքաղաքական միտումները վերջին սցենարն ավելի նպատակահարմար և ինչ-որ իմաստով անայլընտրանք դարձրին: Մեծ տերությունների միջև գոյքալ պայքարում կրկին կարևոր դեր սկսեցին հատկացնել պանթյուրքիզմին՝ որպես ԽՍՀՄ-ի դեմ պայքարի արդյունավետ միջոցներից մեկի:

Պանթյուրքիզմի գաղափարը «պտտեցնում» էին տարբեր երկրներ, ընդ որում՝ հիմնականում ԽՍՀՄ-ի դեմ պայքարի համատեքստում: Այսպես, 1920-ական թթ. այդ պայքարի կողմնակիցն էր Ճապոնիան: Այն տարիներին Տոկիոն ակտիվորեն մշակում էր «Թուրանական կայսրության» (Մինցզյանի, Մոնղոլիայի, Միջին Ասիայի և Ղազախստանի ներառմամբ) ստեղծման պլանը Ճապոնիայի հովանու ներքո: Դեռ 1918թ. ճապոնացիներն ստեղծեցին «Թուրան» միությունը, Տոկիոյում բացվեց ուլդուրական դպրոց ազգային կադրեր պատրաստելու համար, լույս էր տեսնում ամսագիր Մինցզյանի մասին, իսկ Տոկիոյում ապրող Օսմանների դինաստիայի ներկայացուցիչ Աբդուլ Քերիմին պատրաստում էին գահակալության<sup>1</sup>: Պատահական չէ, որ Առաջին աշխարհամարտի ավարտից հետո չինական իշխանությունները խստագույն արգելք դրեցին արտասահմանից Մինցզյան կրոնական բնույթի գրականություն ներկրելու վրա, որը մինչ այդ այստեղ էր բերվում Տաշքենդից, Կազանից և Թուրքիայից<sup>2</sup>:

Պանթյուրքիստական գաղափարների իրականացման նոր ակտիվ փուլ սկսվեց 1930-ական թթ. առաջին կեսին: 1933թ. նոյեմբերի 12-ին Մինցզյանում հռչակվեց Արևելյան Թուրքեստանի իսլամական հանրապետությունը (ԱԹԻՀ): Այդ կազմավորման մայրաքաղաքը դարձավ Քաշգար քաղաքը: Այս պետության ստեղծման գործում էական դեր խաղաց Թուրքիան: Հանրապետության առաջնորդներ Սաբիթ Դամուլլան և Մուհամադ Բուդրան դեռ 1933թ. սկզբին գաղտնի իրենց ներկայացուցիչներն են ուղարկում Թուրքիա, իսկ Անկարայից Քաշգար է գալիս մի խումբ՝ կազմված քաղաքական գործիչներից, զինվորականներից և մասնագետներից: Նրանց մեջ էին հայտնի քաղաքական գործիչներ Մուսթաֆա Քենթլին, Ալի բեյը և Հարբիյադին Մահմուդը: Մի շարք ուլդուր գիտնականներ և հետազոտողներ պնդում են, որ Թուրքիայի ներկայացուցիչները լուրջ ազդեցություն են գործել այդ պետության կազմավորման և անվանման վրա<sup>3</sup>: Արևելյան Թուրքեստանի թյուրքական իսլամական հանրապետության առաջնորդները ենթադրում էին, որ Թուրքիայի քեմալական կառավարությունը միջոցներ կձեռնարկի միջազգային ասպարեզում արտաքին ագրեսիայից նոր պետությունը պաշտպանելու

<sup>1</sup> Петров В., Мятежное сердце Азии. Синьцзян: краткая история народных движений и воспоминания, М., Крафт+, 2003, с. 345.

<sup>2</sup> St' u Жизнь национальностей, N14, 1922, с. 2.

<sup>3</sup> Хожамберди Кахарман, Уйгуры. Этнополитическая история с древнейших времен до наших дней, указ. соч., с. 342.



համար, և միննույն ժամանակ նրանից սպասում էին զգալի ռազմատնտեսական օգնություն: Մակայն անկախ պետության ի հայտ գալը, որի գաղափարախոսությունը պանթյուրքիզմն ու պանիսլամիզմն էր, բնականաբար, բացասաբար ընկալվեց ոչ միայն Չինաստանում, այլև ԽՍՀՄ-ում: Արդյունքում՝ ԱԹԻՀ-ը հայտնվեց երկկողմանի՝ թե՛ Չինաստանի, թե՛ ԽՍՀՄ հարվածի տակ: Հենց ԽՍՀՄ միջամտության շնորհիվ Արևելյան Թուրքեստանի թյուրքական իսլամական հանրապետությունը վերացվեց:

Բայց այս խնդիրը հատկապես ակտուալացվեց 1933թ. նացիստների իշխանության գալով, ինչն արդեն դարձավ նոր համաշխարհային պատերազմի անխուսափելիության հաստատումը, որ կարող էր կրկնվել 1918թ. սցենարը, երբ առհասարակ պանթյուրքական պլանների իրականացման գործընթաց էր գնում: Այն, որ այն ժամանակ և՛ Գերմանիան, և՛ Թուրքիան իսկապես մտադիր էին կրկին գործի դնել պանթյուրքիզմը, արդեն բոլորին հայտնի փաստ է: Այսպես, օրինակ, 1941թ. նոյեմբերի 24-ին Թուրքիայում Գերմանիայի դեսպանության աշխատակիցներն ուղերձ են հղում Բեռլին, որում հաղորդվում էր այն աշխատանքի մասին, որը կատարվել էր ադրբեջանական թուրքերի կողմից՝ Կովկասը խորհրդային իշխանությունից ազատագրելու ուղղությամբ, ընդ որում՝ Թուրքիան դառնում էր տարածաշրջանի փաստացի տերը<sup>1</sup>: Առանձնակի հետաքրքրություն են ներկայացնում գերմանական ԱԳՆ որոշ փաստաթղթեր, որոնք վերաբերում են մուսավաթական էմիգրացիայի գործունեությանը Երկրորդ համաշխարհային պատերազմի շրջանում: Այսպես, օրինակ, Թուրքիայում Գերմանիայի դեսպան ֆոն Պապենի 1941թ. օգոստոսի 5-ի՝ արտգործնախարարություն ուղարկված նամակում ասվում է. «Նկատի ունենալով գերմանացիների հաջողությունները Ռուսաստանում՝ թյուրքական կառավարական շրջանակներն էլ ավելի են զբաղվում թուրք-ռուսական սահմանից այն կողմ գտնվող իրենց հայրենակիցների և հատկապես ադրբեջանական թյուրքերի ճակատագրով»: Այնուհետև նամակում նշվում էր, որ այդ շրջանակները հակված են վերադառնալ 1918թ. իրադարձություններին՝ նկատի ունենալով «այդ մարզը, հատկապես նավթի արժեքավոր նավթահանքերն իրենց միացնելը»<sup>2</sup>:

Այս համատեքստում ԽՍՀՄ-ն սկսում է իրականացնել լայնածավալ էթնոքաղաքական նախագծեր թյուրքական «ճակատում»: Ի հայտ են գալիս թյուրքական նոր պետական կազմավորումներ: Թյուրքական միութենական

<sup>1</sup> «Ադրբեջանական թյուրքերի ղեկավարը Կովկասի ազատագրման մասին», թարգմ.՝ գերմաներենից, պատճեն, Գերմանիայի դեսպանատուն, Անկարա, փաստաթուղթ №A6032, 24 նոյեմբերի 1941թ., տեղեկատվությունը վերցված է «Наша победа» վեբ կայքից, <http://9may.ru/unsecret/m10011709>.

<sup>2</sup> Документы министерства иностранных дел Германии. Выпуск II. Германская политика в Турции (1941-1943гг.), М., Огиз, Политиздат, 1946, с. 34.

հանրապետությունների ընդհանուր թիվը ԽՍՀՄ-ում հասնում է հինգի՝ Թուրքմենիա, Ուզբեկստան, Կիրգիզիա, Ղազախստան և Ադրբեջան: Թյուրքական ինքնավար կազմավորումներ կային ՌԽՖՍՀ կազմում՝ Թաթարստան, Բաշկիրիա, Չուվաշիա, Յակուտիա (վերջին երկուսում քրիստոնեություն դավանող թյուրքեր են): Կովկասում պանթյուրքիզմին դիմակայելու համար խորհրդային իշխանությունները թյուրքական մասսան «տարրալուծեցին» մի շարք վարչական կազմավորումներում: Այդպիսին էին Դաղստանը, Կաբարդինո-Բալկարիան և Կարաչաևո-Չերկեսիան: Դաղստանի ինքնատիպությունն այն էր, որ բազմազգ այս ինքնավար կազմավորման սահմաններում ապրում են տասնյակ ազգություններ, որոնք չունեն իրենց հստակ էթնոքաղաքական սահմանները: Ինչ վերաբերում է Կաբարդինո-Բալկարիային և Կարաչաևո-Չերկեսիային, ապա այստեղ թյուրք բալկարներն ու կարաչաևցիները միավորվել էին կաբարդիների և չերկեսների կովկասյան ազգություններին ընդհանուր վարչատարածքային կազմավորման մեջ:

Բայց միայն նոր կազմավորումների ստեղծմամբ չէ, բնականաբար, որ գործն ավարտվում էր: Իրենց միութենական և ինքնավար հանրապետություններն ստացած ժողովուրդները թևակոխեցին ազգային-պետականակերտման որակապես այլ փուլ, սկսվեց պատմության վերինաստավորումը, նոր ազգակ հաղորդվեց մշակույթի զարգացմանը և այլն: Այսպիսով, Խորհրդային Միությունը մասնատեց ինչպես թյուրքական զանգվածի միասնությունը, այնպես էլ իսլամական համերաշխությունը, չէ՞ որ մեկ միասնական վարչատարածքային միավորի սահմաններում հայտնված տարբեր մուսուլմանական ժողովուրդների մեջ հաճախ ծագում էին քաղաքական, տնտեսական, էթնոմշակութային և այլ բնույթի մինչ այդ չնկատված լուրջ հակասություններ: Առայսօր նման հակասություններ կան նախկին խորհրդային միութենական և ինքնավար նշված բոլոր հանրապետություններում: Նոր միութենական հանրապետությունների ի հայտ գալուց հետո համապատասխան փոփոխություններ արվեցին երկրի զինանշանի վրա: ԽՍՀՄ Սահմանադրության մեջ՝ հաստատված 1936թ. դեկտեմբերի 5-ի ԽՍՀՄ Սովետների արտակարգ VIII համագումարում, զինանշանի վրայի ժապավենների թիվը դարձավ 11 և այն ձեռք բերեց իր արդեն ավելի սովորական ուրվագիծը:

**Ադրբեջանի դերն ու տեղը համաշխարհային պանթյուրքիստական աշխարհաքաղաքականության համատեքստում**

**Ադրբեջանական ժողովրդի ստեղծման աշխարհաքաղաքական «հրամայականները»**

Միջազգային իրադրության փոփոխությունը 1930-ական թթ. և դրա հետ կապված՝ ԽՍՀՄ մարտավարության և ռազմավարության փոփոխությունը պանթյուրքիզմի հանդեպ փոքր-ինչ ինքնատիպ ձևով անդրադարձան Ադրբեջանի վրա: Այստեղ Խորհրդային Միությունը հատուկ մոտեցում

դրսևորեց՝ մշակելով և սկսելով պատմության մեջ աննախադեպ՝ նոր ժողովրդի ստեղծման (տարբեր էթնազգային խմբերից) նախագծի իրականացումը:

Պետք է ասել, որ խորհրդային պետությունը նման փորձարկումներ առաջ էլ էր արել, ընդ որում՝ փորձարկումը կրկին թյուրքական ժողովուրդների վրա էր արվել: Այսպես, Միջին Ասիայում նոր ազդակ հաղորդվեց ուզբեկ ժողովրդի ձևավորմանը, որի կազմի մեջ մտցրին, օրինակ, սարթերին<sup>1</sup>, բավական մեծաթիվ նստակյաց մի խումբ, որը թյուրքական և իրանական ժողովուրդների սիմբիոզն էր: 1921թ. Թուրքեստանի ԻԽՍՀ և Մինցզյանի միացյալ ուլդուրական Տաշքենդյան կոնֆերանսում, որը կազմակերպվել էր պետական և հասարակական գործիչ, լուսավորիչ և հրապարակախոս Աբդուլա Ռոզիբաքիևի նախաձեռնությամբ, թյուրքագետ Սերգեյ Մալովի անմիջական մասնակցությամբ, որոշում ընդունվեց ժողովրդի «ուլդուր» պաշտոնական ինքնանվանման՝ որպես համազգայինի, վերականգնման վերաբերյալ<sup>2</sup>: 1923թ. ՌԿ(բ)Կ Կենտկոմի Միջինասիական բյուրոն հատուկ նստաշրջանում ընդունեց հատուկ բանաձև «ուլդուր» էթնոնիմի վերաբերյալ: Պետք է նշել, որ ընդհուպ մինչև XX դարի 30-ական թթ. Մինցզյանում մուսուլմանական ժողովուրդների մեջ ազգային ինքնությունն արտահայտվում էր շատ ինքնատիպ ձևով: Հայտնի կենտրոնաասիական փիլիսոփա, ակադեմիկոս Ազիզ Նառիբաևը, խոսելով այն ժամանակվա Մինցզյանի մասին, գրում է. «Տեղի բնակիչներն աղոտ պատկերացում ունեին միասնական ազգին իրենց պատկանելության մասին: Ազգային պատկանելության մասին հարցին շատերը պատասխանում էին. քաշգարցի, խոտանցի, յարթենդցի, քուչարացի և այլն, և այլն, անվանում էին այն վայրը, որտեղի ծնունդ էին իրենք»<sup>3</sup>: Այդ իրավիճակում հատուկ ակտիվություն էին դրսևորում պանթյուրքիստները, որոնք փորձում էին օգտվել իրավիճակից և ինքնության հայրենակցական համակարգը փոխադրել թյուրքիզմի վերազգային համակարգ: Պանթյուրքիստական առաջնորդներից մեկը՝ վերոնշյալ Մուհամադ Բուդրան, ասում էր. «Մեր հայրենիքը Թուրքեստանն է, մեր ազգությունն է թուրք, մեր կրոնը՝ իսլամ»<sup>4</sup>:

Բայց խնդիրն Ադրբեջանում շատ ավելի բարդ էր: Հիմնական պատճառն այդ պետական կազմավորման էթնիկ առանձնահատկությունն էր: Ադրբեջանը

<sup>1</sup> Սարթերի և ուզբեկների հետ նրանց միաձուլման մասին մանրամասն տե՛ս, օրինակ, Бартольд В., «О преподавании туземных наречий», газета «Окраина», N19, 1894; Бартольд В., Сочинения, том II, часть 2, Москва, 1964, сс. 303-305; Bregel Y., «The Sarts in the Khanate of Khiva», Journal of Asian History, Vol.12, N2, 1978; Ильхамов А., «Археология узбекской идентичности», Этнический атлас Узбекистана, Ташкент, 2002, сс. 268-302.

<sup>2</sup> Хожамберди Кахарман, Уйгуры. Этнополитическая история с древнейших времен до наших дней, указ. соч., с. 354.

<sup>3</sup> Տե՛ս Нарынбаев Азиз, Избранные произведения, Бишкек, 2004, с. 513.

<sup>4</sup> Хожамберди Кахарман, Уйгуры. Этнополитическая история с древнейших времен до наших дней, указ. соч., с. 343.

նախկին ԽՍՀՄ միակ հանրապետությունն էր, որի անվանումը չէր ածանցվում էթնոխմբի անունից: Որպես օրինակ նշենք, որ «Հայաստանը» «հայ» բառից է ածանցվում, «Ուկրաինան»՝ «ուկրաինացի»-ից և այլն: Ի տարբերություն խորհրդային մյուս հանրապետությունների, Ադրբեջանը բնակեցնում էին թյուրքական, կովկասյան, իրանական ծագման էթնոխմբեր, ինչպես նաև հայեր, վրացիներ, ռուսներ և հրեաներ: Բնակչության մոտ 55%-ը թյուրքալեզու ժողովուրդներն էին՝ միավորված «Խորհրդային Ադրբեջանի թյուրքեր» անվան տակ: Հատկանշական է, որ 1920-ական թթ. մարդահամարի տվյալների համաձայն՝ անգամ Պարսկաստանի թյուրք բնակչությունը, որն ապրում էր Ադրբեջանում, հիշատակվում է որպես առանձին էթնիկ խումբ՝ Պարսկաստանի թյուրք բնակչություն<sup>1</sup>:

Խորհրդային իշխանությունները բավական վճռական և արագ էին գործում: 1936թ. Ադրբեջանական ԽՍՀ մուսուլմանական բոլոր ժողովուրդները միավորվեցին մեկ ժողովրդի մեջ՝ ադրբեջանցի անվան տակ<sup>2</sup>: Տրամաբանությունը շատ պարզ էր: Նոր ժողովուրդը ոչ միայն միավորում էր թյուրքական և բնիկ կովկասյան ու իրանական ժողովուրդներին, այլև կարծես դառնում էր տարածաշրջանում ապրած և ապրող ժողովուրդների մշակութային-պատմական և հասարակական-քաղաքական հարուստ ժառանգության ժառանգորդը: Ադրբեջանական ԽՍՀ-ում պաշտոնապես անհետացան բնիկ (ավտոխտոն) շատ ժողովուրդներ, ինչպիսիք էին, օրինակ, թաթերն ու իրանական մի շարք այլ և դադստանյան ժողովուրդներ, ինչպես նաև այստեղ հաստատված քրդերը: Կտրուկ կրճատվեց թալիշների, լեզգիների և այլոց թիվը:

1920-30-ական թթ. մարդահամարներում մեսխեթցի թյուրքերը հիշատակվում էին որպես թյուրքեր, այնուհետև այս ժողովրդի տարաբնակեցման շրջաններում բացվեցին թյուրքական դպրոցներ, որոնք հետագայում դարձան ադրբեջանական թյուրքական դպրոցներ<sup>3</sup>, իսկ այդ ժողովուրդը նորաստեղծ «ադրբեջանցի» ժողովրդի մի մասը<sup>4</sup>: Բայց, ինչպես ցույց տվեցին հետագա իրադարձությունները, մի քանի տարվա մեջ թյուրքական զանգվածի այս հատվածը նոր «ադրբեջանցի» ժողովրդի մեջ ձուլվելն անհնարին եղավ, և 1944թ. նրանց արքտրեցին՝ մեղադրելով Թուրքիային համակրելու մեջ, այսինքն՝ ելնելով պանթյուրքիզմի երկյուղից: Մեսխեթիայի թյուրքերին նոր

<sup>1</sup> Տե՛ս, օրինակ, Большая советская энциклопедия, том 1, раздел «Азерб. ССР», Акционерное общество «Совет-ская энциклопедия», М., 1926, с. 641.

<sup>2</sup> Տե՛ս Алекперов А., Исследования по археологии и этнографии Азербайджана, Издательство Академии наук Азербайджанской ССР, Баку, 1960, с. 71.

<sup>3</sup> «Турки-месхетинцы», Энциклопедия Народы России, М., Научное издательство «Большая Российская Энциклопедия», 1994, сс. 342-344.

<sup>4</sup> “Meskhetians” in Minahan James, Encyclopedia of the Stateless Nations, Vol. 3, Greenwood Press, Westport, Con-necticut, London, 2002, p. 1239.

անվանումն ու նոր ինքնությունը հարիր չէին, և արտրավայրերում նրանք սկսեցին համախմբվել նոր էթնոխմբում՝ «մեսխեթցի» անվամբ, իսկ 1950-60-ական թթ. նրանք արդեն պաշտոնապես իրենց անվանում էին մեսխեթցի թուրքեր<sup>1</sup>:

Այն բանից հետո, երբ պաշտոնապես «կազմավորվեց» նոր «աղբբեջանական ազգը», Կենտրոնն ամեն կերպ աջակցում էր դրա ամբողջականությանը՝ օժանդակելով նոր՝ «աղբբեջանական» ինքնության սերմանմանը: Ազգային փոքրամասնությունների հանդեպ երբեմնի հանդուրժողականությունն անհետացավ: Ցանկացած անհնազանդություն դաժանաբար պատժվում էր:

**Հայկական գործոնը աղբբեջանական ժողով պանթուրքիզմի զսպման գործընթացում**

Նոր «աղբբեջանական ժողովրդի» «կազմավորման» գործընթացում հատուկ նշանակություն էր ձեռք բերում հայկական գործոնը: Ի տարբերություն Աղբբեջանական ԽՍՀ-ում հոծ բնակվող այլ ժողովուրդների, հայերը չէին կարող դառնալ նորաստեղծ աղբբեջանական ժողովրդի մասը: Նախ՝ հայերը քրիստոնյաներ էին, երկրորդ՝ հայ ժողովուրդը պետականության հազարամյակների պատմություն ուներ: Նման ժողովուրդը չէր կարող դառնալ նոր ժողովրդի մի մասը, ի տարբերություն մուսուլմանական ժողովուրդների, որոնց, առնվազն, միավորում էր ընդհանուր հավատը, ինչն այն ժամանակ, թեկուզև ծածուկ, բայց դեռ կարևոր դեր էր խաղում:

Խորհրդային պետությունը երկակի մոտեցում մշակեց հայկական գործոնի հանդեպ: Նոր աղբբեջանական ժողովրդի ստեղծման համատեքստում հայկական գործոնը թե՛ լուրջ խոչընդոտ էր, թե՛ հնարավորություն՝ արդյունավետորեն կառավարելու պլանավորված գործընթացները: Խոչընդոտն այն էր, որ Աղբբեջանական ԽՍՀ-ում գոյություն ունեին հայկական երկու վարչական-պետական կազմավորումներ՝ Նախիջևանի ԻԽՍՀ-ն և Լեռնային Ղարաբաղի Ինքնավար Մարզը, որոնք երկուսն էլ այն ժամանակ սահմանակցում էին Հայկական ԽՍՀ-ին<sup>2</sup>: Եթե դրան ավելացնենք նաև հոծ հայ բնակչությունը Հյուսիսային Արցախում և Աղբբեջանական ԽՍՀ այլ շրջաններում, ապա նորաստեղծ ժողովրդի համար միանգամայն դյուրաբեկ իրավիճակ էր ստեղծվում: Ստացվում էր, որ այդ հանրապետության գրեթե ողջ արևելյան մասը չէր հանդիսանում «նորաստեղծ ժողովրդի» էթնոմշակութային տարածքի օրգանական մասը, որը պետք է «բնիկություն» ստանար իր հանրապետության ամբողջ տարածքում:

Միևնույն ժամանակ, հաշվի առնելով այն, որ այդ տարածքները մշտապես եղել են Հայոց Հայրենիքի՝ հայկական էթնոքաղաքական-մշակութային

<sup>1</sup> Նույն տեղում, շ. 1237, 1240.

<sup>2</sup> См. у, орինակ, паруселіները «Азерб. ССР» и «Арм. ССР» բաժիններում (Большая советская энциклопедия, 1926 года издания, том 1 и том 3, указ. док.).

տարածքի օրգանական մասը և կարևորագույն դեր են խաղացել հայ ժողովրդի պատմության մեջ, ապա դժգոհության առաջացման իրական վտանգ էր ստեղծվում ինչպես Ադրբեջանական ԽՍՀ սահմաններում բռնի ներառված հայ բնակչության, այնպես էլ նորաստեղծ «ադրբեջանական ժողովրդի» կողմից:

Այս իրավիճակում բոլշևիկների համար, ելնելով սեփական աշխարհաքաղաքական նկատառումներից, գերադասելի դարձավ ադրբեջանական «բնիկության» «լեգիտիմացման» տարբերակը, ինչի արդյունքում հայ ժողովրդին ու պետականությանն ուժգին հարված հասցվեց: Դրա գլխավոր ուղղությունը դարձավ հայոց պետականության նպատակապահ վերացումը Նախիջևանում: Արդեն 1938թ. օգոստոսին, իսկ այլ տվյալներով՝ 1939թ. հուլիսի վերջին փոփոխություններ մտցվեցին Նախիջևանի ԻԽՍՀ պետական խորհրդանշաններում (զինանշան, դրոշ): Դրանցից հանվեցին հայերեն մակագրությունները և մնացին միայն ադրբեջաներեն լեզվովները, որոնց հետագայում ավելացվեցին նաև ռուսերեն մակագրությունները<sup>1</sup>: Համապատասխան փոփոխություններ մտցվեցին, բնականաբար, նաև Նախիջևանի Ինքնավար Հանրապետության սահմանադրությունում: Ի հետևանք, ինչպես արդեն հայտնի է, Նախիջևանում տեղի ունեցավ «սպիտակ ջարդ», որի արդյունքում երկրամասն ամբողջովին հայաթափվեց: Նույնիսկ այժմ, երբ այդ շրջանում ոչ մի հայ չի մնացել, ադրբեջանական իշխանությունները շարունակում են ցեղասպանության քաղաքականությունը, հիմա էլ հայկական մշակութային ժառանգության հանդեպ՝ բարբարոսաբար ոչնչացնելով եկեղեցիները, խաչքարերը և այլ հուշարձաններ:

Խորհրդային իշխանությունների դիրքորոշումը Նախիջևանի հարցում, այնուամենայնիվ, ավելի շատ հարցեր, քան թե պատասխաններ է առաջացնում: Օրինակ, 1930-ական թթ. Թուրքիան ակտիվ քայլեր նախաձեռնեց Նախիջևանի հետ ընդհանուր սահման ստեղծելու ուղղությամբ: 1932 և 1937թթ. Թուրքիայի և Իրանի միջև երկու պայմանագիր ստորագրվեց, որոնց համապատասխան՝ Թուրքիան, մի շարք տարածքներ զիջելով Իրանին, Նախիջևանի հետ ընդհանուր սահման ստացավ<sup>2</sup>: Այս քաղաքական քայլը հստակ ցույց է տալիս Թուրքիայի մտադրությունները:

Եվ այս ամենի ֆոնին ԽՍՀՄ-ը լիովին և կենտրոնացված ձևով թյուրքացնում է Նախիջևանն այն բանի փոխարեն, որ պահի նրա երկազգի լինելը՝ Ադրբեջանին անհրաժեշտ աշխարհաքաղաքական հունով զսպելու լծակներ

<sup>1</sup> «Нахичевань», Russian Centre of Vexillology and Heraldry, <http://www.vexillographia.ru/azerbaij/nahic.htm>, указ. док; «Нахичеванская автономная республика», Официальный сайт русского центра флаговедения и геральдики, <http://www.heraldicum.ru/azerbaij/index.htm>, указ. док.

<sup>2</sup> St' u, օրինակ, International Boundary Study, Iran – Turkey Boundary, The Geographer Office of the Geographer Bureau of Intelligence and Research, US Department of State, N28, February 3, 1964, pp. 6, 7.

ունենալու համար: Թե ինչով էր պայմանավորված նման որոշումը՝ դժվար է ասել: Որպես Թուրքիային սիրաշահելու մեխանիզմ այն ամենաարդյունավետը չէր, մանավանդ որ պատերազմի մեջ Թուրքիայի հնարավոր մուտքը հազիվ թե դրանից կախված լիներ: Պատերազմի մեջ մտնելու պատրվակ առանց այդ էլ կգտնվեր:

Իսկ ահա Իրանը տարածքներ փոխանակեց խոր աշխարհաքաղաքական վերլուծության հիման վրա: Բանն այն է, որ մինչև սահմանների փոփոխությունը Թուրքիան քաղաքական և ժողովրդագրական սահման չունեց Անդրկովկասի թյուրքական բնակչության հետ, և միակ կամուրջը, որը Թուրքիան կապում էր Անդրկովկասի ու Միջին Ասիայի թյուրքական բնակչության հետ, հենց Իրանն էր: Սա Իրանը դարձնում էր պանթյուրքիզմի գլխավոր թիրախը և չէր կարող չանհանգստացնել այդ երկրին: Եվ գտնվեց միանգամայն արդյունավետ ելք. Թուրքիային դեպի Նախիջևան ելք տրամադրել և այդպիսով այլընտրանքային ճանապարհ բացել: Այդ ելքը շատ գայթակղիչ էր Թուրքիայի համար: Նրան Ադրբեջանից բաժանում էր ընդամենը Հայաստանի ոչ մեծ տարածքը: Եթե նույնիսկ քաղաքական առումով անմիջապես չհաջողվեր վերացնել այդ խոչընդոտը, ապա հաշվի առնելով խորհրդային պետության ինտերնացիոնալ բնույթը և վերջինի կողմից ադրբեջանական ժողովրդի ստեղծման ակնհայտ խրախուսումը, ընդհանուր սահմանի ստեղծումը ժողովրդագրական առումով միանգամայն իրական էր: Իսկ դրա փոխակերպումը քաղաքականի կարող էր միայն ժամանակի հարց լինել: Այս համատեքստում կուզենայի մեջբերել Աթաթյուրքի խոսքերը՝ ասված դեռ 1933թ., երբ հայտարարել էր, թե խորհրդային կայսրությունը կփլուզվի և «եղբայրական Ադրբեջանը կդառնա ազատ»<sup>1</sup>:

Արցախը (Լեռնային Ղարաբաղ) յոթ տասնամյակ դիմադրություն ցուցաբերեց Ադրբեջանի ոտնձգությունների դեմ: Ադրբեջանն արցախահայության դեմ կիրառում էր պայքարի ամենաճարտար մեթոդները՝ տնտեսական և ժողովրդագրական ճնշումից մինչև հիդրոահաբեկչություն<sup>2</sup>: Ադրբեջանական ԽՍՀ կազմում գտնվելու ողջ ընթացքում այստեղ անհետացել է 85 հայկական գյուղ (մոտ 30%), բայց նույնիսկ մեկ ադրբեջանական գյուղ չի վերացել: 1970-79թթ. մարդահամարների միջև ԼՂԻՄ հայ բնակչության թվաքանակն ավելացել է 1,7%-ով (2 հազ. մարդ), իսկ ադրբեջանցիները՝ 37%-ով (10 հազ. մարդ): Խտրական քաղաքականությունն այս ոլորտում հատկապես սաստկացավ այն ժամանակ, երբ իշխանության եկավ Հեյդար Ալիևը: Ադրբեջանի ներքին գործերի նախարար Ռամիլ Ուսուբովը, ներկայացնելով

<sup>1</sup> Տե՛ս, օրինակ, «Посольство Турции: Турция, сближаясь с Арменией, хочет ускорить развязку карабахского конфликта», Ae.az, [http://www.aze.az/news\\_posolstvo\\_turcii\\_turciya\\_27331.html](http://www.aze.az/news_posolstvo_turcii_turciya_27331.html), 6 ноября 2009.

<sup>2</sup> Տե՛ս, մասնավորապես, Բաբայան Դ., Ջրի խնդիրը դարաբաղյան հակամարտության կարգավորման համատեքստում, Ստեփանակերտ, «Դիզակ Պլյուս», 2007:

Այլն ավագի քաղաքականությունը Լեռնային Ղարաբաղում, այն բնութագրեց հետևյալ կերպ. «Կարելի է առանց չափազանցելու պնդել, որ միայն Հեյդար Ալիևի՝ Ադրբեջանի ղեկավար դառնալուց հետո Ղարաբաղի ադրբեջանցիներն իրենց երկրամասի իսկական տեր զգացին: 70-ական թթ. մեծ աշխատանք էր կատարվում: Այդ ամենը դեպի Լեռնային Ղարաբաղ ադրբեջանական բնակչության մեծ հոսք առաջացրեց շրջակա շրջաններից՝ Լաչինից, Ադդամից, Ջաբրայիլից, Տիգուլիից, Աղջաբեդից և այլն: Այս բոլոր միջոցառումները, որոնք իրականացվում էին Ադրբեջանի Կոմկուսի Կենտկոմի առաջին քարտուղար Հեյդար Ալիևի հեռատեսության շնորհիվ, նպաստում էին ադրբեջանական բնակչության հոսքին»<sup>1</sup>: Ինքը՝ Ալիևը, այսպես է բնութագրել այն ռազմավարական նպատակները, որոնք հետապնդում էր Լեռնային Ղարաբաղում Ադրբեջանի կոմունիստական առաջնորդ եղած ժամանակ. «Երբ ես ղեկավարում էի Ադրբեջանը... մենք մեծ ուշադրություն էինք հատկացնում Ղարաբաղին: Ճիշտ է՝ որոշ դիլետանտներ ինձ մեղադրում էին դրանում: Ես այդպես էի անում, որովհետև, նախ, Լեռնային Ղարաբաղը հարկավոր էր բնակեցնել ադրբեջանական բնակչությամբ, և երկրորդ՝ հայերին չթողնել, որ բարձրացնեն այդ հարցը»<sup>2</sup>: Թե ինչով ավարտվեց այդ ամենը՝ լավ հայտնի է:

Պանթյուրքիզի համար նոր ազդակ հանդիսացավ ԽՍՀՄ փլուզումը: Ինչպես Թուրքիայում, այնպես էլ Ադրբեջանում պանթյուրքիզի նոր ալիք բարձրացավ: Բելովեժյան համաձայնագրերից անմիջապես հետո Թուրքիայի վարչապետ Թուրգութ Օզալը հռչակեց «Մեծ Թուրքեստան՝ Սիջերկրական ծովից մինչև Չինական պարիսպ» կարգախոսը (հասկանալի է՝ Անկարայի հովանու ներքո): Այն պաշտպանում էին նաև երկրի քաղաքական այլ գործիչներ՝ Ս.Դեմիրելը, Բ.Էջլիթը, Ն.Էրբաքանը: Նրանք բոլորն էլ համամիտ էին «Մեծ Թուրանի» կամ «Թուրանական գոտու», այսինքն՝ թյուրքական ժողովուրդների աշխարհաքաղաքական դաշինքի կազմավորման հարցում՝ Թուրքիայի հովանու ներքո<sup>3</sup>: Թուրքիայի նախագահ Դեմիրելն, օրինակ, երբ նախագահ էր, 1999թ. հոկտեմբերին, Բաքվի օդանավակայանի բացման ժամանակ դիմելով Ադրբեջանի ժողովրդին, հայտարարեց հետևյալը. «Ձեր վիշտը մեր վիշտն է: Եթե ձեզ ասեղը ծակի, մեզ համար դա հավասար կլինի բզով ծակվելուն»<sup>4</sup>: Նույն Դեմիրելը, 1994թ. պաշտոնական այցով գտնվելով Մոլդովայում, հայտարարել էր. «Թուրքիան իր շուրջ ստեղծում է խաղաղ գոտի՝ Բալկաններից մինչև Սև ծով, Կովկաս ու Մերձավոր Արևելք»<sup>5</sup>:

<sup>1</sup> Усубов Рамиль, «Нагорный Карабах, миссия спасения начиналась в 70-е годы», «Панорама», 12 мая 1999.

<sup>2</sup> Заседание Милли Меджлиса Азербайджана, посвященное нагорно-карабахскому урегулированию, Первая программа азербайджанского телевидения AzTV1, 23 февраля 2001.

<sup>3</sup> Ульченко Н., Турция – история и современность, М., 2002, с. 21.

<sup>4</sup> Istanbul Milliyet (Ankara Edition) in Turkish, October 19, 1999.

<sup>5</sup> Московские новости, N23, 5-12 июня 1994 года.



Իրենց թուրք գործընկերներից հետ չէին մնում նաև ադրբեջանական ղեկավարները: 1992թ. ժողովրդական ճակատի իշխանության գալով (Աբուլֆազ Էլչիբեյի գլխավորությամբ)՝ նոր էլիտան բացահայտ թուրքամետ կողմնորոշում որդեգրեց: Պետական լեզու հռչակվեց թուրքերենը, կյուրեղյանը փոխարինվեց լատինական այբուբենով, իսկ թուրք գեներալները սկսեցին ստեղծել ադրբեջանական բանակը: Հեյդար Ալիևի երկրորդ գալուստը իշխանություն 1993թ. քիչ բան փոխեց իշխող քաղաքական էլիտայի կողմնորոշման մեջ: Հատկապես մեծ ժողովրդականություն էր վայելում «Մեկ ազգ, երկու պետություն» կարգախոսը: Միայն 1997թ. Ադրբեջանի նախագահ Ալիևն արժանացել է Թուրքիայի 19 բարձրագույն պարգևների<sup>1</sup>: Ինչպես իր նախորդը, Ալիևն ադրբեջանական բանակն ստեղծելիս հիմնական շեշտադրումը կատարում էր թուրքական գեներալների վրա: Այսպես, նա խնդրեց թուրքական բանակի բրիգադի գեներալ Յասար Դեմիրբուլաղին, որն Էլչիբեյի զինվորական խորհրդականն էր, ստեղծել ադրբեջանական բանակը: Դեմիրբուլաղը դարձավ նաև Ադրբեջանի Հանրապետության անվտանգության խորհրդի անդամ<sup>2</sup>: Իլիամ Ալիևը նույնպես ընտրեց պանթուրքիզմը՝ որպես Ադրբեջանի հիմնական արտաքին քաղաքական դոկտրին: Այս մասին են վկայում նրա բազմաթիվ ճառերն ու ասույթները: Թուրքիայի Հանրապետության հիմնադիր Մուսթաֆա Քեմալ Աթա-թյուրքի հուշարձանի բացման արարողության ժամանակ արտասանած ճառում, որը տեղի է ունեցել 2010թ. մայիսին Բաքվում, Իլիամ Ալիևն ասել է հետևյալը. «Ճակատագիրն այնպես ուզեց, որ որոշակի ժամանակով պատմությունը և պատմական իրադարձությունները բաժանեն մեզ: Բայց, չնայած այն բանին, որ Ադրբեջանը գոյություն ունի որպես անկախ երկիր ընդամենը մոտ 20 տարի, մեր սրտերը բաբախել են միասին նաև նախկինում: Ոչ մի քաղաքական կարգ կամ քաղաքական նախաձեռնություն չի կարողացել փոխել բարեկամության և եղբայրության հարաբերությունները, որոնք մենք տածում ենք մեկս մյուսի նկատմամբ: Պատահական չէ, որ Ադրբեջանի կողմից իր պետական անկախության վերականգնումից հետո առաջինը մեր անկախությունն ընդունեց եղբայրական Թուրքիան: Այդ ժամանակվանից առայսօր մենք առհավետ և բոլոր ուղղություններով համատեղ ենք գործում... Մենք պետք է այնպես անենք, որ միշտ միասին լինենք՝ գալիք տարիներին, հարյուրամյակներ շարունակ: Սա են մեզ պատգամել թուրքական աշխարհի մեր մեծ առաջնորդները»<sup>3</sup>:

<sup>1</sup> Տե՛ս «Бакинский Рабочий» թերթը, 8 сентября 1998, с. 3.

<sup>2</sup> Sapmaz Ifran, “Aliev is Having a Turkish General Establish an Army,” Hurriet, October 13, 1993, p. 13.

<sup>3</sup> «Речь Президента Ильхама Алиева на церемонии открытия памятника основателю Турецкой Республики Мустафе Кемалю Ататюрку», Официальный вебсайт Президента Азербайджана, <http://ru.president.az/articles/55/print>, 17 мая 2010.

Մակայն պետք է խոստովանել, որ պանթյուրքիզմի գաղափարն ակնկալվող աջակցությունը չստացավ նախկին ԽՍՀՄ թյուրքալեզու ժողովուրդների մեծամասնության մեջ, հատկապես Միջին Ասիայում: Այդ երկրներին դուր չի գալիս կրտսեր եղբոր դերը, որը նրանց հատկացնում է Անկարան: Թեև վերջին տարիներին Անկարան փոքր-ինչ շտկել է իր հոռետորաբանությունը՝ ներկայանալով ոչ որպես ավագ, այլ հավասար մյուս թյուրքական ժողովուրդների մեջ, էական արդյունքներ չեն նկատվում: Մա պարզ ցույց է տալիս, որ այս գաղափարը կարող է նյութականանալ միայն դրսից աջակցության պարագայում: Այսօրվա դրությամբ Թուրքիան ոչ տնտեսական, ոչ գաղափարախոսական, ոչ ռազմական առումով ի վիճակի չէ դա անել սեփական ուժերով: Բացի այդ, Կենտրոնական Ասիայի՝ անկախ և բնական ռեսուրսներով հարուստ թյուրքալեզու երկրները հաճախ իրենք են վիճարկում առաջնայնությունը թյուրքական աշխարհում և նույնիսկ մրցակցում են Թուրքիայի հետ: Հաճախ նման դիրքորոշում են ցուցադրել Ուզբեկստանը և Թուրքմենիան: Ուզբեկստանն, օրինակ, անգամ մայրաքաղաք Տաշքենդի Աթաթյուրքի անունը կրող կենտրոնական փողոցներից մեկը վերանվանել է Ջարաֆշանի անունով, ինչը համապատասխանում է, ըստ պաշտոնական ձևակերպման, հարևանությամբ գտնվող համալիրի անվանմանը<sup>1</sup>: Պարզ է, որ նման քայլը զուտ քաղաքական բնույթ է կրում:

Պանթյուրքիզմն ավելի տարածված է թյուրքալեզու այն ժողովուրդների շրջանում, որոնք ձգտում են անկախության, ինչպես նաև Ադրբեջանում: Վերջինի պարագայում դա կապված է մի շարք գործոնների հետ, որոնցից հիմնականն այն փաստն է, որ նոր ադրբեջանական ազգի ձևավորման գործընթացն առայսօր ավարտված չէ: Չնայած բազմաթիվ ժողովուրդների ձուլմանը՝ Ադրբեջանում մնացել են հոծ բնակվող և իրենց ազգային ինքնությունը պահպանող ազգային փոքրամասնություններ: Այդպիսին են կովկասյան լեզվով խոսող լեզգիները և ավարներն Ադրբեջանի հյուսիսում՝ Դաղստանի սահմանին, ինչպես նաև իրանալեզու թալիշներն Ադրբեջանի հարավում՝ Իրանի սահմանին: Ընդհանուր տարածքը, որ զբաղեցնում են այս ազգությունները, կազմում է Ադրբեջանի տարածքի մոտ 22%-ը, իսկ նրանց թիվը կազմում է այդ երկրի բնակչության մեկ քառորդը:

Ընդ որում՝ Ադրբեջանն ապրում է այդ ազգերի ինքնորոշման մշտական սպառնալիքի մեջ, որն սպառնում է փլուզել պետությունը: Այսպես, XX դարում թալիշները երկու անգամ պետականություն հռչակեցին՝ 1919 և 1993թթ.: 1991թ. սեպտեմբերին լեզգիները հայտարարեցին միացյալ Լեզգիստանի ստեղծման մասին: Մակայն այդ փորձերը հաջողությամբ չպսակվեցին: Թալիշներին

<sup>1</sup> «В столице Узбекистана переименовали улицу Ататюрка», ИА Регнум, <http://www.regnum.ru/news/fd-abroad/1406283.html>, 19 мая 2011.

հաջողվեց պետականությունը պահել մի քանի ամիս, իսկ լեզգիների որոշումը միայն թղթի վրա մնաց: Մակայն վերոնշյալ փաստերը բավարար չեն՝ գիտակցելու համար Ադրբեջանում տիրող իրական էթնոքաղաքական իրավիճակը: Ազգային փոքրամասնությունները շարունակում են պայքարը հանուն իրենց իրավունքների ճանաչման: Որպես օրինակ նշենք, որ թալիշները պարբերաբար դիմում են տարբեր երկրների և միջազգային հանրությանն ընդհանրապես՝ հեղինակավոր կառույցների ուշադրությունը հրավիրելով ադրբեջանցիների կողմից գործադրվող մշտական ճնշումների վրա: 2008թ. նրանք դիմել են Եվրոպական երկրների ներկայացուցիչներին<sup>1</sup>, 2009թ.՝ միջազգային հանրությանը<sup>2</sup>:

Նման դիմումներով հանդես են եկել նաև մյուս ազգային փոքրամասնությունները: 2008թ. ավարները դիմեցին Դադստանի նախագահին՝ խնդրելով պաշտպանել իրենց բռնի ադրբեջանականացումից, որն իրականացնում են Բաքվի իշխանությունները<sup>3</sup>: Հենց դրա համար էլ Ադրբեջանում հաճախ են լսվում ռասիստական հայտարարություններ ազգային փոքրամասնությունների վերաբերյալ: Այս համատեքստում կուզենայինք մեջբերել Իսֆենդիյար Վահաբգադեի խոսքերը՝ ասված ՄԱԿ Ժնևի բաժանմունքի Ադրբեջանի մշտական ներկայացուցիչ եղած ժամանակ: Նա տարատեսակ հիմնախնդիրների (որոնց բախվում էր պաշտոնական Բաքուն միջազգային ասպարեզում) պատճառը բացատրում էր նրանով, որ ազգային դիվանագիտությունում տեղ են գտել ոչ իսկական ադրբեջանցիները: Ադրբեջանի խորհրդարանի նախագահ Մուրթուզ Ալեքսերովին 2001թ. ամռանը գրած իր նամակում պրն Վահաբգադեն ասում էր, թե ադրբեջանական դիվանագետների շարքերում քիչ չեն նրանք, որոնց երակներում օտար արյուն է հոսում: Դա անթույլատրելի է, քանի որ դիվանագետները, որոնց մայրերը հայ են, հրեա, ռուս, էլ չենք խոսում արդեն փոքրաթիվ ժողովուրդների մասին, չեն կարող արժանապատվորեն և արդարամտորեն ծառայել Ադրբեջանին արտասահմանում, կարծում է Վահաբգադեն<sup>4</sup>: Այնինչ, Վահաբգադեն ոչ միայն Ադրբեջանի քաղաքական, այլև ինչ-որ չափով նաև ստեղծագործական ընտրանու ներկայացուցիչն է, քանի որ Ադրբեջանի ժողովրդական քանաստեղծ Բախտիյար Վահաբգադեի որդին է:

<sup>1</sup> «Европа, ты должна услышать наш правый голос!», Толыш Пресс, <http://tolishpress.org/news/364.html>

<sup>2</sup> «Заявление Тальшского национального движения, адресованное всем международным организациям, всем правозащитным организациям и правозащитникам мира», Толыш Пресс, <http://tolishpress.org/news/671.html>, 15 апреля 2009.

<sup>3</sup> «Аварцы Азербайджана просят президента Дагестана защитить их от азербайджанизации», Кавказский узел, <http://www.kavkaz-uzel.ru/newstext/news/id/1223420.html>, 18 июня 2008.

<sup>4</sup> Տե՛ս, օրինակ, Усейнов Ариф, «Чужая кровь», Время МН, Баку, 5 июня 2001 года; Аббасов Ш., «Отозван поспред Азербайджана в ООН Эльдар Гусейнов», интернет-газета «Эхо» от 5 июня 2001 года.

Ադրբեջանական ժողովրդի «ձևավորման» գործընթացի անավարտությունն իր դրոշմն է թողնում նաև ադրբեջանա-դարաբաղյան հակամարտության կարգավորման վրա: Ադրբեջանցիները Լեռնային Ղարաբաղն ընկալում են որպես իրենց պետության գոյության գլխավոր սպառնալիք: Ադրբեջանը չի կարող ճանաչել Լեռնային Ղարաբաղի անկախությունը, քանի որ այդ դեպքում այլ ազգությունները կհետևեն վերջինի օրինակին: Այն նաև ինքնավարություն չի տա Ղարաբաղին, անգամ չնայած այն բանին, որ բացարձակապես անընդունելի է Արցախի Հանրապետության և Հայաստանի Հանրապետության համար: Ի դեպ, Ադրբեջանի և Արցախի միջև հաստատված ռազմաքաղաքական հավասարակշռությունը և դրա պահպանումը բխում են գլոբալ դերակատարների շահերից: Ինչպես հայտնի է, Անդրկովկասը կարևորագույն նշանակություն ունի ինչպես Արևմուտքի, այնպես էլ Ռուսաստանի, ինչպես նաև Իրանի համար: Այս տարածաշրջանն այսօրվա դրությամբ դեպի Կենտրոնական Ասիա (Ռուսաստանը և Իրանը շրջանցելով) Արևմուտքի միակ անմիջական ելքն է: Անդրկովկասը սահմանակից է նաև Հյուսիսային Կովկասին ու Իրանի հյուսիսարևմտյան շրջաններին: Ինչպես Ռուսաստանի Դաշնության, այնպես էլ Իրանի Իսլամական Հանրապետության համար այդ շրջանները էթնոքաղաքական առումով խոցելի են, այստեղ ցանկացած լուրջ անկայունություն հղի է անկանխատեսելի հետևանքներով: Անկայունությունն Անդրկովկասում, հաշվի առնելով, օրինակ, ինչպես տարածաշրջանում, այնպես էլ Հյուսիսային Կովկասում և հյուսիսարևմտյան Իրանում ապրող բազմաթիվ ժողովուրդների առկայությունը, կարող է փոխադրվել նաև հարևան երկրներ: Ուստի, կայունության պահպանումը Անդրկովկասում կարևորագույն հրամայական է թե՛ Ռուսաստանի, թե՛ Իրանի համար: Սակայն գործունե կայունությունը պահելու համար առավել արդյունավետ մեխանիզմ է թվում տարածաշրջանում ուժերի գոյություն ունեցող հավասարակշռության պահպանումն ինչպես մեծ տերությունների ազդեցության, այնպես էլ տարածաշրջանային պետությունների փոխհարաբերությունների կտրվածքով, մասնավորապես՝ ադրբեջանա-դարաբաղյան հակամարտության գոտում:

1994թ. մայիսից Լեռնային Ղարաբաղի Հանրապետության և Ադրբեջանի Հանրապետության միջև հաստատված ռազմաքաղաքական և տարածքային հավասարակշռությունն Արևելյան Անդրկովկասում մի կողմից՝ Հայաստանի և Լեռնային Ղարաբաղի, մյուս կողմից՝ Ադրբեջանի միջև, աշխարհաքաղաքական չեզոքությունը պահելու բաղադրիչներից է: Ուժերի ստեղծված դասավարտության փոխվելու պարագայում Անդրկովկասում կարող է լրիվ նոր իրավիճակ գոյանալ՝ լի անկայունության և անկանխատեսելիության բարձր աստիճանով: Բանն այն է, որ սույն դասավորվածության փոփոխությունը, այսինքն՝ պարզապես վերադարձը 1988թ. իրավիճակին, երբ Լեռնային Ղարաբաղն անկլավ էր՝ ամբողջովին շրջապատված Ադրբեջանով, գրեթե

կվերացնի ոչ միայն Ղարաբաղի, այլև Հայաստանի գործոն հանդիսանալու պարագան և այդպիսով Արևելյան Անդրկովկասում գերիշխող դիրք կգրավի Ադրբեջանը, որն աշխարհաքաղաքական առումով չափից ավելի հավակնոտ պետություն է: Այդ հավակնոտությունը մասնավորապես արտահայտվում է պանթուրքիզմի գաղափարախոսության արդեն հիշատակված քարոզչությունում, ինչն իր հերթին արտահայտվում է Իրանի՝ թուրքալեզու ազգություններով բնակեցված հյուսիսարևմտյան շրջանների հանդեպ հավակնություններով: Այս թեման հաճախ է շոշափում Ադրբեջանի քաղաքական ընտրանին: Այսպես, 2008թ. սեպտեմբերին Ադրբեջանի միասնական ժողովրդական ճակատ կուսակցության առաջնորդ, նախագահի թեկնածու Ղուդրաթ Չասանղուլին իր ընտրական ծրագրում առաջարկում էր՝ փոխել «Ադրբեջան» անվանումը «Հյուսիսային Ադրբեջանով»: Ըստ նրա՝ անվանման փոփոխությունը կնշանակի, որ Հյուսիսի առկայությունը ենթադրում է նաև Հարավի գոյությունը<sup>1</sup>:

Հասկանալի է, որ եթե հավասարակշռություն չլինի ադրբեջանա-ղարաբաղյան հակամարտության գոտում, ապա Ադրբեջանը վտանգավոր աշխարհաքաղաքական պտույտներ կկատարի մեկ մի, մեկ մյուս կողմի վրա, ինչը կարող է նաև անկայունություն առաջացնել այդ պետության ներսում, մասնավորապես արդեն հիշատակված լեզգիների, ավարների և

թալիշների շրջանում: Առաջին երկուսը Դաղստանի հիմնական ժողովուրդներից են, այսինքն՝ լեզգիների և ավարների լուրջ հիմնախնդիրներն Ադրբեջանում կարող են խռովել նաև Դաղստանի նրանց եղբայրներին, իսկ դա արդեն կարող է անմիջականորեն Ռուսաստանին ներքաշել այդ գործընթացների մեջ: Նույնը վերաբերում է նաև թալիշներին: Իրանում մոտ 2,5-3 մլն թալիշ է ապրում, որոնք նույնպես անտարբեր չեն Բաքվի մշտական ճնշման ներքո գտնվող իրենց եղբայրակիցների ճակատագրի հանդեպ: Հասկանալի է, որ թալիշական գործոնը կարող է գործընթացի մեջ ներքաշել Իրանին: Ակնհայտ է, որ այնպիսի տերությունների ներքաշումը, ինչպիսին են Ռուսաստանը և Իրանը, միանգամայն այլ իրավիճակ կստեղծի՝ լի անկանխատեսելի հետևանքներով: Այս ամենից ելնելով՝ Արևելյան Անդրկովկասի աշխարհաքաղաքականության և չեզոքության պահպանման առավել գործուն երաշխիքը ներկայիս ռազմաքաղաքական հավասարակշռության պահպանումն է ադրբեջանա-ղարաբաղյան հակամարտությունում:

Գրեթե նույն շահերն են առկա նաև ԱՄՆ պարագայում: Վաշինգտոնին ներկա փուլում անհրաժեշտ է Կովկասի կայունությունը, հատկապես ամերիկյան

<sup>1</sup> Сенджаплы Тамилла, «Гудрат Гасангулиев: «Азербайджан должен изменить название», Day.Az, <http://www.day.az/news/politics/130533.html>, 15 сентября 2008.

քաղաքականության իրանական վեկտորի ակտիվացման ֆոնին: Ինչպես ավելի վաղ նշել ենք, Խորհրդային Միության փլուզման պահից Արևմուտքն Անդրկովկասը դիտարկել է որպես դեպի Կենտրոնական Ասիա տանող կամուրջ՝ Ռուսաստանի և Իրանի շրջանցմամբ: Սակայն այս միջանցքը չափից ավելի խոցելի է և չի կարող դեպի կենտրոնասիական տարածաշրջան տանող միակ հուսալի ելքը լինել: Ուստի, հիմա Արևմուտքին հարկավոր է ավելի հուսալի ելք: Այդպիսին կարող է լինել միայն Իրանը: Դրա համար էլ, եթե Միացյալ Նահանգները կարողանա Իրանը ներառել իր շահերի ոլորտում, ուժային կամ այլ ճանապարհով, ապա Վաշինգտոնն արմատապես կփոխի ուժերի հավասարակշռությունը ոչ միայն տարածաշրջանում, այլև, կարելի է ասել, աշխարհում՝ հոգուտ իրեն և հաջորդ տասնամյակներում սեփական ձեռքերում կպահի ռազմավարական նախաձեռնությունը: Իսկ նման հեռանկարին, իհարկե, դժվար է դիմակայել: Այս իրավիճակում ԱՄՆ-ը խիստ շահագրգռված է Կովկասի կայունությամբ, ամերիկա-իրանական հարաբերությունների զարգացման հարցում հուսալի թիկունքի ստեղծմամբ: Անգամ իրանական նախաձեռնության հաջողության պարագայում, ինչի արդյունքում կարող է խիստ զորեղանալ թուրք-ադրբեջանական գործոնը, հատկապես Իրանի Իսլամական Հանրապետության հյուսիսարևմտյան շրջաններում, Վաշինգտոնին հարկավոր կլինի գործուն հավասարակշռություն ստեղծել ընդդեմ թուրքադրբեջանական տանդեմի:

Այս հավասարակշռության առանցքային և բնական բաղադրիչներից մեկը հայկական գործոնն է՝ երեք հիմնական մասից բաղկացած. Հայաստանի Հանրապետություն, Լեռնային Ղարաբաղի Հանրապետություն և հայկական Սփյուռք: Սակայն 1988թ. իրավիճակին վերադարձի պարագայում հայկական գործոնը, ինչպես արդեն նշել ենք, ամբողջովին կվերացվի: Հայաստանի Հանրապետությունը և Սփյուռքը, էլ չենք խոսում Արցախի մասին, այնպիսի ռազմաքաղաքական ցնցում կստանան, որից դուրս գալ չեն կարողանա: Բնականաբար, իրավիճակի նման զարգացումը չի բխում ԱՄՆ շահերից՝ անգամ կտրված իրանական աշխարհաքաղաքականությունից, հատկապես Թուրքիայի՝ դեպի իսլամ և թուրքիզմ շարժի և դրա հետ կապված՝ ԱՄՆ առանցքային դաշնակիցների (ինչպիսին է, օրինակ, Իսրայելը) երկյուղների համատեքստում: Ակնհայտ է, որ ուժերի ներկա դասավորության պահպանումն ադրբեջանա-դարաբաղյան հակամարտության գոտում բխում է նաև ԱՄՆ և նրա դաշնակիցների շահերից:

### Ամփոփում

Պանթյուրքիզմը համաշխարհային քաղաքականության առավել ակտիվ գաղափարախոսություններից է: Այն մշակվել և ներդրվել է Օսմանյան կայսրությունում՝ ելնելով գլոբալ աշխարհաքաղաքական նպատակներից, որոնք

փոքր-ինչ փոփոխված ձևով շարունակում են ակտուալ լինել նաև այսօր: Չնայած պանթյուրքիզմի սաղմնավորման և ներդրման ժամանակաշրջանի և ներկա աշխարհաքաղաքական իրավիճակի էական տարբերություններին՝ Թուրքիայի ռազմավարական հրամայականները շատ չեն փոխվել: Թուրքիայի համար այդ գաղափարախոսությունը մնում է գլխավոր երազանքը, որն ամեն կերպ փորձում է իրականացնել: Պանթյուրքիզմն առավել պարարտ հող գտավ Ադրբեջանի Հանրապետությունում, պետություն, որը հայտնվեց որպես պանթյուրքիզմի գաղափարախոսության հոգեզավակ: Արցախյան պետականությունը, լինելով հայկական պետականության և հայկական գործոնի առանցքային բաղադրիչներից մեկը, միննույն ժամանակ նաև գլխավոր խոչընդոտներից է պանթյուրքիզմի գաղափարախոսության գործնական իրականացման ճանապարհին: Հայաստանի գործոն հանդիսանալը, այդ թվում և այս համատեքստում, համապատասխանում է զլոբալ և տարածաշրջանային մի շարք տերությունների շահերին: Այս փուլում կարևոր դերը պատկանում է Արցախի ու Ադրբեջանի միջև ռազմավարական հավասարակշռության պահպանմանը: Դրանից է կախված նաև աշխարհաքաղաքական հավասարա կշռության պահպանումը ողջ Անդրկովկասում՝ հաշվի առնելով դրա կարևորությունը համաաշխարհային քաղաքականությունում՝ նաև զլոբալ ասպարեզում: Այս ամենը լրացուցիչ հնարավորություններ է ստեղծում հայկական պետականության ամրապնդման և համաաշխարհային քաղաքականության մեջ գործոն հանդիսանալու համար:

**Арцахская проблема и идеология пантюркизма**

Давид Бабаян

**Резюме**

Пантюркизм является одной из наиболее активных идеологий в мировой политике. Данная идеология была разработана и задействована в Османской империи исходя из геополитических целей, которые в несколько модифицированном виде продолжают оставаться актуальными и сегодня. Несмотря на существенные отличия нынешней геополитической ситуации от эпохи зарождения и внедрения пантюркизма, стратегические императивы Турции мало изменились. Для Турции данная идеология остается главной идеологической мечтой, которую она всячески пытается осуществить. Наиболее плодородную почву пантюркизм нашел в Азербайджанской Республике – государстве, само появление которого является детищем идеологии пантюркизма.

Эта идеология своей агрессивностью породила и Арцахскую проблему, которая с 1918г. является одной из основных проблем в закавказском регионе и далеко за его пределами. Вместе с тем, арцахская государственность, будучи одним из ключевых компонентов армянской государственности, является в то же самое время одним из главных препятствий на пути практического осуществления идеологии пантюркизма.

Армянский фактор, в том числе и в этом контексте, в стратегических интересах глобальных и ряда региональных держав. В поддержании же армянского фактора на данном этапе ключевая роль принадлежит поддержанию стратегического баланса между Арцахом и Азербайджаном. От этого зависит также поддержание геополитического баланса во всем Закавказье, а учитывая его важность в мировой политике – и на глобальной арене. Все это создает дополнительные возможности для укрепления армянской государственности и ее роли в мировой политике.

### **The Artsakh Problem and the Ideology of Pan-Turkism**

David Babayan

#### **Summary**

Pan-Turkism is one of the most active ideologies in the world politics. It remains the main ideological dream which Turkey tries to carry out in every possible way.

Pan-Turkism found the most fertile soil in the Azerbaijan Republic – the state which emerged as a result of the ideology of Pan-Turkism.

The aggression of the ideology generated the Artsakh problem. The Artsakh statehood was one of the key components of the Armenian statehood and the Armenian factor, simultaneously being one of the main obstacles on the way of practical implementation of the ideology of Pan-Turkism.

The Armenian factor, in this context, represents the strategic interests of the global and a number of regional powers. The main function in supporting the Armenian factor in the current phase is maintaining the strategic balance between Artsakh and Azerbaijan. The geopolitical balance in Transcaucasia in whole also depends on this, and taking in account its importance in the global politics, the balance in world arena does as well. All these create additional opportunities for strengthening the Armenian statehood and its significance in the global politics.